

日下舊聞


十五十六十七

漢書門	
九	〇
一	〇
九	〇
六	〇
大	〇
函	架
號	類

內閣文庫	
九	〇
一	〇
九	〇
六	〇
大	〇
函	架
號	類

內閣文庫	
番號	漢 9096
冊數	16 (7)
函號	292 9





日下舊聞 卷十五

城 北城下

漢書文庫

昭回坊靖 坊在北安門東共十四舖有圓恩寺福祥寺裝衣寺


城坊巷斷集

圓恩寺在昭回坊元至元間建福祥寺在靖恭坊有勅建碑又慈恩寺文昌宮俱在靖恭坊亦有勅建碑

順天府志

靈椿坊八 五城坊巷斷集

燕山寶十郎故居或云在城西或云在昌平或云在涿州或云在薊州當時馮瀛王道贈詩有靈椿一株老之句今北城有靈椿坊疑是十郎舊里此靈椿所以名坊也 涿水亭雜識



順天府治卽元大都路總治舊署也先是遼考爲京立
幽都府又改爲析津府至金爲大興府元初爲大都路
號大興府官署爲宗正所據官吏辦事佛寺中至大中
監路平章政事莫吉奏請以錢四萬二千五百緡買
椿里周氏地計十九畝建爲公署永樂定鼎于此遂因
其署而爲順天府春明夢餘錄

順天府附郭二縣東曰大興西曰宛平府境南爲固安
霸州北爲昌平東爲通州三河香河玉田西爲良鄉房
山東北爲薊州東南爲武清西南爲涿州固安之東爲
東安永清霸州之南爲保定文安大城昌平之東爲懷
柔密雲通州之北爲順義南爲涿縣東南爲寶坻薊州
之北爲平谷東爲豐潤東北爲遵化皇祖旣設北平

便司因以北平名府永樂中以北平爲行在所改府

曰順天長安客話

易言湯武革命順乎天而應乎人文皇帝靖難龍興于
此因以之自命云名勝志

順天府東至永平府五百二十里南至河間府四百十
里西至保定府易州二百十四里北至延慶州百七十
里東南至天津衛三百三十里西南至保定府三百三
十里西北至萬全都指揮使司三百五十里東北至古
北口二百四十里方輿紀要

舊制三品衙門用銅印惟順天府用銀印誠重之也登
憲宣宗皇帝御製箴春明夢餘錄

明宣宗京府箴奕奕京師四方所瞻京尹之職民康

是誠周之內史漢之三輔不輕畀人擇賢以付國家
因之有尹有丞亦有庶寮用贊厥成茫茫區域聳
其本王者施仁篤近舉遠爾體于懷務勤與周情必
上通澤必卜流冰清玉剛準平繩直毋靈豪右毋縱
奸慝趙張邊延顯顯前規毋愧古人祇我訓辭
王直重修順天府記至元中大都路廨署無定制至
或假民家以庀事其後乃市諸民得地二十畝爲屋
以居我朝有天下改大都路爲北平府永樂元年北
京建又改北平府爲順天府因故署爲治正統十四
年府尹寧陽王侯賢諭于衆改作焉爲正堂後堂各
五間中堂三間左爲經歷司右爲照磨所前爲大門
凡三重各三間六曹案牘之舍庫廩庖漏皆完崇卑

廣狹各中程度總爲屋五十八間以正統十四年三
月十三日興工景泰三年七月落成王文端公集
番禮順天府題名記京師古設內史漢改置京兆尹
其地居轂下憑城社者類橫恣抗法加之五方湊集
因緣爲奸化難格故唐宋以來選尹皆人望或以親
王爲之小事專決大事則稟奏受成旨刑部御史臺
無輒駁異蓋肅清京師鎮撫畿甸必隆重其任有若
此我文皇德飛北京政司爲順天府于永
樂六年生等
三年典守守謹者在
叢生刀徵和良山于繩部臺往
下誘而一養自全者不不敢詰積爲民壽

挺節廷評 肅清 為已任則云生事沽名九原
 可作安得 國初名京兆與之論職守也哉確山受
 齋劉公 務勤陽 為以丞副之慨然有概
 于中思法前修 逸復蒐輯增
 次具其姓名籍貫 入畧錄之于石請記于余
 余惟古之圖容貌表宰廬官 使善者知思而慕之
 惡者知指而噍之凡以示懲 策事功也况自昔京
 兆行事得失載之史籍萬世可鏡又不徒為一時四
 方取則而已唐人諺云前尹赫赫具瞻允若後尹熙
 熙具瞻允若言敷政寬嚴不同其以治稱一也又云
 前尹舉其綱而太簡次尹綜其目而太密後尹毀常
 法而取一時之聲言寬嚴失宜均之為世所譏今二

公坦易相符政不務苛細而繩檢截然人方以
 熙熙並譽迺又即其前刻于石者時觀省焉愧予前
 尹順天不足為後人景法而附記于此亦竊與載名
 之榮云 古和案

葉向高順天府題名記令甲二歲一計吏治自岳牧
 以至尉史鱗 於闕廷而京兆實釋郡事綱紀之意
 蓋云維茲郡吏其式化于王畿故郡吏之視京兆不
 啻望表起鵠夫內借列卿而外倡九牧秩尊而於民
 親則無如古 自 小名公鉅卿 由茲奮確
 山 公嘗 于 司空 為之記歲
 久石泐今尹 公少 西劉 石續記工
 以記屬余 司 肥言 允余越 下

譚非其矣。職之。能。則。嘗。取。司。空。言。讀。之。若。然。有。慕。于。國。初。臣。之。丰。而。切。于。年。來。因。循。叢。素。非。是。其。一。言。詳。矣。不。能。國家。初。造。耳。目。維。新。聲。靈。一。返。既。而。功。令。肅。于。庶。府。京。邑。翼翼。四。方。之。極。奉。職。順。流。亦。可。以。爲。理。故。其。治。易。也。其。後。曩。恬。承。熙。輦。轂。之。下。日。膏。沐。涵。濺。于。太。平。之。休。澤。寢。以。窳。惰。而。五。方。殊。技。輻。輳。灌。輸。奔。命。于。上。國。都。市。之。政。雜。而。多。端。奸。日。萌。生。治。稍。難。焉。又。其。後。則。恬。熙。益。深。耗。蠹。愈。甚。九。閩。之。聽。既。高。而。豐。蔀。之。勢。易。瘳。如。之。內。若。隔。萬。里。勢。家。寺。人。作。姦。祀。科。官。府。之。令。不。京。兆。之。難。治。遂。爲。天。下。最。矣。蓋。嘗。總。郡。國。之。政。論。之。其。在。開。創。則。外。難。而。內。易。何。者。依。日。月。

者。愈。近。而。易。爲。光。也。其。在。承。平。則。外。易。而。內。難。何。者。憑。城。社。者。愈。近。而。易。爲。蠹。也。方。司。空。時。去。國。初。纔。百。五。十。年。度。事。揆。勢。已。異。昔。日。馴。至。于。今。又。數。十。年。矣。職。京。兆。者。其。感。慨。嘆。息。當。抑。又。甚。焉。弊。久。則。窮。窮。則。復。思。其。始。今。日。之。京。兆。亦。一。弊。反。始。之。一。時。已。今。天。子。神。聖。加。意。三。輔。赫。然。有。願。治。之。思。而。錢。公。劉。公。皆。當。世。名。臣。協。力。同。心。以。理。京。兆。將。且。畿。甸。太。和。百。度。咸。修。寧。復。有。如。司。空。之。所。慨。也。余。故。樂。爲。之。記。以。請。于。二。公。若。夫。建。置。之。由。事。權。之。重。寬。嚴。忠。佞。不。同。足。以。鑒。往。詔。來。語。具。司。空。記。中。在。事。者。業。稔。聞。之。矣。
葶草

天星堂在順天府後內空洞上覆以。有郡國方位圖

冬至日懸毛羽氣之盛則其歲豐耳譚

順天府治後東七隅有候氣堂冬至日以葭管吹灰候

之申時行有重修候氣室記燕都游覽志

中心閣在府西元建以其適都城中心臺三字明一統志

有臺繚以垣臺上有碑刻中心臺三字明一統志

八蜡廟在府治東北順天府志

張鳴鳳安定門寓目詩北門一望路漫漫山後關亭

白日寒壯士不須誇絕漠長城烽火照長安萍浮集

金臺坊九舖有萬寧寺法通寺淨土寺千佛寺五城坊

卷衡齋集

大德九年二月建大天壽萬寧寺元史成宗紀

成宗十魯罕皇后京師勅建萬壽寺中塑秘密佛像

形醜怪后以手帕蒙覆其面尋傳旨毀之元史后妃傳

泰定四年五月作成宗神御殿于天壽元史泰

定帝紀

天壽萬寧寺在鼓樓東備元以奉安成宗御像者今寺

之前後皆兵民居之從溜室而入有穹碑二尚存長各

二丈餘西一碑國書不可讀東一碑歐陽原功文張起

巖書姚慶篆額題曰成宗欽明廣孝皇帝作天壽萬寧

寺神御殿碑其北列明碑四一為馮祭酒夢禎文一為

焦太史竑文沂津日記

危素為翰林學士居鐘樓街會稽王山農冕遊大都

見其文而不相識一日危騎而過山農所與之坐不問

其姓名徐曰君非鐘樓街住耶危曰然不出他語而罷

曰下善聞

卷十五

六

人問之山農曰吾觀其文有詭氣目其人舉止亦然料知必危太樸也

非事錄
萬寧橋在海子東岸跨玉河上流 明一統志

澄清閣在鼓樓南海子東岸萬寧橋西至元二十九年建名海子閣 水部備考

元時海子岸有萬春園進士登第恩榮宴後會同年此不顯夫詩所云臨水亭臺似曲江也今失所在 涿州學雜識

張公海棠二株在鐘鼓樓東中貴張宅中元時遺物叢本數十圍修幹如 丈下以朱欄障之參差敗陰

猶垂數畝近日易主不知其幾矣 燕都游覽志
齊政樓在府西海子東岸元蓋取齊七政之義 明一

統志

千佛寺萬曆九年孝定皇太后建 春明夢餘錄

寺在德勝門北八卡一殿供毘盧今佛座繞千蓮蓮

生千佛時朝鮮國王丁于二十四一阿羅漢一十八

身詔供寺中其像銅也而光如漆 執持器乘海

失之補之厥工遜矣寺南一里有小 寺 帝京景物

畧

千佛寺建於明萬曆初中有長沙楊魯安陽喬應春

二碑皆鎮陽林湖書潮以鴻臚寺主筆古文筆殿中書

應春碑稱諸天阿羅漢皆太監楊用所壽劉同人帝京

景物畧乃謂為朝鮮國王所貢當以碑 入實也 涿水亭

雜識

楊守魯千佛寺碑記畧西蜀僧備融自廬山來游京師御馬監太監楊君用以其名薦之

監馮公保揚宅也將其地于都城乾隅御用監太監建刹迎備融主佛事聞于聖母皇

潞王公主亦佐錢若干縉即委楊君用董其役秋落成寺南向為山門為天王殿為鐘鼓樓

雄寶殿為伽藍殿後為方丈為禪堂為僧寮心禮賓為園圃左右側則有龍王廟及井亭

靡不備燕都游覽志

喬應春新建護國報恩千佛寺寶像碑畧大司輔馮公上承聖母皇太后命特建寶刹於是御

太監楊君用受備融上人指鑄毘盧尊蓮花寶

千佛旋繞四向若朝者然鑄十八羅漢二十四

復聖伽藍天王等像工始于萬曆庚辰浹歲而

辛巳秋七月既望立石同上

吉祥在府治西元泰定間建明一志

日中坊在北安門西二十二鋪五城坊卷榭榭

金水河源出宛平縣三泉山流至和義門南水

城至大四年七月奉旨引金水河水注之光入殿

園石山前舊池置牀四以節水元史

張翥金水橋上開苑池荷香作立馬金河吐荷香出

苑池石橋秋雨後瑤海夕陽時深樓殿尋微波浴

象遲煩衿一笑爽正喜好風吹蛺蝶集

張羽燕山春暮作金水橋邊蜀鳥吟玉泉山下佛花

飛江南江北三千里愁絕春歸各不歸

張和金河橋期友納涼不在涼日飲廣津飲風集

高樹翻翻棲鳥驚杳杳流螢度蕭條旅中懷恨望橋

東路有約君不來無語獨歸去

馬祖常御溝春日詩御溝流水曉潺潺直似長虹曲

似瓊流入宮墻才咫尺使分天上與人間春波十頃

碧琉璃白日樓臺照影時好爲畫船載酒半酣西

望碧參差水南沙路雨清

京華寒食近東風十里酒

薩都刺立春御溝作燕姬白馬青絲韁

燈光御溝飲馬不回首貪看柳花飛

集

九

宋褰御溝詩泱泱穿雲出礪初于迴百折到皇居行

人不敢來飲馬稚子時能坐釣魚內史府前晴滉漾

雲巖觀後晚舒徐波漫畧約通丹禁風颺輜駟映畫

裾三月霏烟着楊柳九秋涼露泣芙蓉荒唐莫說流

紅怨自是清漣解起子

燕石集

又早出過御溝作殘月欲落日未生樹根交合清水

明翠花迢迢沙磧古銅駝陌上馬聲少

同上

藥王廟在北安門海子之西偏廟東瀕海子宜賓初月

萬柳沿隄客多載酒其間鷗波魚藻真長夏時一清涼

界

藥王廟天啟中魏忠賢所建也落成時帝加獎諭賜賚

甚厚當年必有豐碑而今無片石蓋爲人所踏矣

涿水

下書開

卷十五

九

火神廟在北安門湖濱金碧琉璃
映漣湖間西與藥王廟相並

燕都游覽志

北城日中坊火德真君廟元至正六年建萬曆三十三年改增碧瓦重閣焉前殿曰隆恩後閣曰萬歲景靈閣左右輔聖弼靈等六殿殿後水亭望湖殿墀二碑一

右春坊朱之蕃撰一禮部侍郎翁正春撰

帝京景物畧

天啟元年三月命太常寺官以六月二十二日祀火德之神著為令

熹宗實錄

袁中道過火神廟詩作客尋春易游燕遇水難石橋深樹裏誰信在長安

珂雪齋集

海子在府西三里汪洋如海中有菱荷鷗鳧可玩

記纂

淵海

禁城中外海子即古燕市積水潭也源出西山一畝馬眼諸泉繞出甕山後匯為七里灤紆迴向西南行數十里稱高粱河將近城分為二外繞都城開水門內注潭中入為內海子繞禁城出與方流玉河橋合外隍入于大通河

湧幢小品

積水潭在都城西北隅東西亘二里餘南北半之西山諸泉從高粱橋流入北水關匯此或因內多植蓮名為蓮花池或因水陽有淨業寺名為淨業湖內官監向嚴魚禁今稍弛矣酒後一葦山光水色簫鼓中流時復相遇江以北來無此勝游然泛必從小徑抵鰕菜亭乃盡幽深之致每年三伏日錦衣衛率御馬監官校浴馬湖

于如濯雲錦中元夜寺僧于淨業湖邊放水燈雜入蓮
 花中游人設水嬉為盂蘭會梵唄鐘鼓雜以宴飲達旦
 不已水中花炮有鳧雁龜魚諸種冬時湖凍作小冰牀
 各坐于上一人挽行輪滑如驟駛好事者恒覓十餘牀
 携圍爐酒具酌冰凌中積水渾水從德勝橋東下橋東
 偏有公田若干頃中貴引水為池以灌禾黍綠楊鬢鬢
 一望無際稍折而南直環北安門宮墻左右流入禁城
 為太液池汪洋如海俗呼海子套燕都游覽志
 海子岸上接龍王堂以石甃其四周海子一名積水潭
 聚西北諸泉之水流行入都城而滙于此汪洋如海都
 人因名焉仁宗延祐六年二月都水監計會前後與元
 修舊石岸相接五日興工十一月工畢至治三年三月

大都河道提舉司言海子南岸東西道路當兩城要衝
 金水河浸潤於其上海子風浪衝啣于其下且道狹不
 時潰陷泥濘車馬艱于往來如以石砌之實永久之計
 也泰定元年四月工部應副工物七月興工八月工畢
元史

至元三十年秋車駕還自上都過積水潭見舳艫蔽水
 天顏為之開懽特賜都水監郭公錢一萬五百緡
 仍以舊職兼提調通惠河漕運事元名臣事
 張怡雲能詩詞善諧笑名京師趙公雪商正叔高房
 山為寫怡雲圖以贈姚牧歸靜軒每於其家小酌一
 日過鐘樓街遇史中丞中丞欲偕行速從者歸携酒饌
 因共造海子上之居姚闔曰怡雲今日有佳客此中

丞史公子也張便取酒詩史歌雲間貴公子玉骨秀橫
秋水調歌一闕史其喜有頃酒饌至史取銀二定酬歌
席終左右欲徹金玉酒器史云休將去賞音如此青樓集

趙孟頫上都紅門外海子上卽事詩白水清山引興
多紅裙翠袖奈愁何祇從暮醉兼朝醉聊復長歌更
短歌輕燕受風迎落絮遊魚吹浪動新荷餘杭溪上
扁舟好何日歸休埋釣蓑松雪齋集

元盧巨游子上卽事詩池道塵香散玉珂彤樓花暗
弄雲和光風已轉瀛洲草細雨微添太液波月榭管
絃催曙發水亭簾幙受寒多少年易動傷春感與取
青霞對酒歌皇元風雅

宋本詩渡柳西望似江鄉隔岸樓臺卷畫粧十頃玻
璃秋影碧照人馬過宮墻至治集

許有仁飲海子舟中江城子詞柳稍烟重滴春嬌傍
天橋住蘭橈吹暖香雲何處一聲簫天上廣寒宮闕
近金晃助翠茗堯誰家花外酒旗高故相招儘飄搖
我政悠然雲水永今朝休道斜街風物好纔此去便
塵囂圭塘小藁

宋鬢海子岸望海潮詞山含烟素波明霞綺西風太
液池頭馬似游龍車如流水歸人何暇夷猶叢薄擁
金溝更蕭蕭宮樹調弄新秋十里烟波幾雙鷗鷺兩
漁舟暮雲樓閣深幽政砧杵丁東弦管啁啾澹澹星
河熒熒燈火一時清景難酬馬上試寫吳興言

譜撰爲風流明日重來柳下攜酒教名詎燕石集

海子南岸舊有海子橋亦名月橋俗呼三座橋近漸圯燕都游覽志

傳若金海子詩獨步金河上遙看碧海隅橋疑通月

窟船或到方壺屋室寒休杆龍宮夜出珠浮槎八月

晚應念客星孤傳與礪詩集

馬祖常海子橋詩南望蓬萊觀行人隄苑墻有時馴

象浴不見陽翔宮樹飄秋葉江船認石梁辟雍真

可作擬賦獻文王石田集

又詩朝馬秋塵急天潢曉鏡舒影圓雲度鳥波靜藻

依魚石棧通星漢銀河落水渠無人洗寒露爲我媚

芙蓉同上

王蒙海子橋詩暮登海子橋西繞紅門歸霜風著宮

樹葉葉帶紅飛據鞍吹短篴乘月過征衣江南冰雪

裏音信寄來稀列朝詩集

宋褰過海子觀浴象詩四蹄如柱鼻垂雲踏碎春泥

亂水紋鴈鵝鷓鴣好風景一時驚散不成羣燕石集

程敏政海子詩十里城陰路西湖一派分秋晴沙岸

尾時見白鷗羣篁墩集

常倫經海子詩積水明人眼蒹葭十里秋西風搖雉

堞晴日麗粧樓柳徑斜通馬荷叢暗渡舟東躡如可

問早晚清幽常評事集

吳維嶽經海子詩閒行豈爲趨芳菲湖水東看入禁

闈樓閣倒涵千樹影笙歌深駐五龍旂榴花欹雨新

經眼草色搖沙欲上衣通籍十年惟混世羣鷗何事

亦驚飛齊襄集

大慈恩寺在府西海子上舊名海印寺宣德四年重建

明一統志

海子橋北舊有海印寺宣德間重建改名慈恩今廢為

廠長安客話

李東陽慈恩寺詩水繞湖邊樹花垂石上藤長來寺

前坐不識寺前僧懷麓堂集

李夢陽上巳過海印寺作勞生苦役役况乃值溫陽

林園有嘉榮蹊渚生柔芳秉蘭迹已陳祓禊難獨忘

駕言適蓮宇逶迤陟虹梁魏宮延暮色陂樹謁青蒼

詎知幽勝區占茲佳麗鄉居然心境寂彌增塵路傷

空同集

又鏡光閣詩吾生走紛境性意苦不適劫來鏡光遊

不覺祇樹夕鳥藏丹閣暮蕭疎柿葉赤杏如造巖壑

圓焉寡人迹其王戴公冠天子之所吝迂我簪荀下

坐我紅旛席落日人虛彌窈窕雲光白團團石蓮燈

照耀錦繡壁忽聞鈴磬發轉悵俗務迫靜躁本殊科

利義各有辨伊余竟何為奔併阻行役乞君摩尼珠

一照幸不惜同上

何景明慈恩寺詩海子橋西寺高樓御苑花中流自

日月平地有烟霞客至開金殿宸游想翠華十年復

到此朋舊各天涯王六復山人集

孟洋過海印寺傍屬臺殿何年起遶寺烟波望不

窮樹裏透迤銀漢接宮前宛轉玉河通長橋晚落千
尋影高閣晴含萬里風滄海漫求人世外蓬萊今在
帝城中王有涯集

胡侍九日同諸公登海印寺鏡光閣詩湖景澄珠閣
雲虹度石梁行樂雙樹杪坐對九華觴水抱香城入
山橫禁苑長懸露不厭晚待月詠禪牀濛谿集

袁袞登鏡光閣詩絕登翔雲上飛軒踐斗迴旗亭開
百市魏闕枕三合地接榆關險山迎桂苑來登高還
望遠秋氣使人哀袁永之集

峇應峻鏡光閣詩鏡光閣在帝城邊遙控西山奠北
川忽有風雲來絕塞坐看雷雨下諸天微茫野色俱
堪畫滌沆中流好放船東下林塘幽絕處江南秋望

此依然蘭暉堂集

范言鏡光閣詩尋芳偶到慈恩寺石榻山僧入定時
獨上鏡光開晚閣坐看雲氣動春池行厨竹裏煙初
禁御漏花前日正遲寂寞東房無好約青袍白馬欲
何之嵩陽集

朱大啟經海印廢寺詩我行海子橋不見鏡光閣惟
有青蓮花涼風吹又落舅奇軒集

李長沙賜第在西長安門西俗呼李閣老衡衡是也其
別業在北安門北集中西涯十二詠程篁墩學士和之
有結棹亭楊柳灣稻田菜園蓮池而響煥鐘鼓樓慈恩
寺廣福觀皆在十二詠中今其遺址不可問當在越橋
相近蓋響煥即越橋下肆而鐘鼓樓則園中可遙望爾

銀錠橋在北安門海子三座橋之北此城中水際看西山第一絕勝處也橋東西皆水荷菱菰蒲不掩淪漪之色南望官闕北望琳宮碧落西望城外千萬峯遠體畢露不似淨業湖之逼且障也

燕都游覽志

陸鈇歸自城西至玉河北作參差宮樹殿東西樹裏青山落日低回首旌旗猶未定晚來風起玉河堤

春雨堂稿

德勝橋在德勝門內西有積水潭潭水注橋下東行橋早不能度舟湖中鼓柁人抵橋俱登岸空舟順流始得渡復登舟東泛綠柳映坂縹萍蒹波黍稷種種的的原田高城數里古色如一薜荔墻轉而南得藜光橋徑僻

岸無行人古槐濃樾覆陰如罨畫溪御馬監所領天閑上駟每歲六月六日中貴人用儀仗鼓吹導引洗馬干德勝橋之湖上三伏皆然

燕都游覽志

淨業寺從德勝門西循城下行徑轉得此寺昔為智光寺之基寺東有軒二楹可坐寺前舊作殿棚列席浮尊宴飲殊適今廢矣湖上有魚藕監

同上

劉效祖看蓮詩杖履吾何適逢僧曲水邊三乘開寶地六月湧金蓮雨過塵心淨風來爽氣偏浮生閒自惜不是為逃禪

劉念菴詩集

朱國祚夜宿淨業寺詩僧樓佛火漾空潭李廣橋低積水含一夜朔風喧樹杪薊門飛雨遍城南

介石齋集

鍾惺集淨業寺詩如此匆匆際禪棲肯再來曾無三日隔又見數花開童負桃笙至僧籠菜甲回出門拚一宿無復候人催

隱秀軒集

太平菴在淨業寺北循城垣有橋橋下爲水關清流灑灑南流注入大湖岍左爲菴菴小而潔

燕都游覽志

水關在德勝門西里許水自西山經高粱橋來穴城趾而入有關爲之限焉下置石螭迎水倒噴旁分左右旣喻復吐聲淙淙然自螭口中出

同上

德勝門之西城垣下有水竇焉西山諸水從此流入都城水口爲石犀以當之邊衝突緩水勢也而菴其上名曰鎮水觀音菴其北卽水入處泠泠有海潮之音菴初自成祖時姚少師而內臣銅公者實續成之

長安可游

記

于慎行北園詩西城別苑勝瀛洲十里平湖靜不流岍草離迷橋畔雨宮槐隱映水邊樓聲傳簫管三天近香散芙蓉六月秋信道吾皇簡遊幸石鯨飛處鎖龍舟

穀城山房集

公飛苑北水關小寺詩淨域青蓮會明湖玉鏡游水原分太液客至自瀛洲頓起濠梁想疑來洞壑幽弄珠乘月去晚吹覺新秋

問次齋稿

蓮花社有亭在水關西今傾圮

燕都游覽志

鰕菜亭在蓮花社西一藩隔之水部戴大圓建

同上

舊城歸然傑堵云是元時舊址中作鐵溝昔時以車運水上流者今尚堅緻寒蘚荒苔遙映林泉翠蒨殊可憑

高弔古 同上

德勝門城上鐫趙子昂書德勝門三字 同上

天啟壬戌四月四日德勝門墜城內真武廟前枯槐一
株樹心烟起至稍用鋸截之乃止 頌夫鵬筆

黃訓出德勝門詩已巳王師出安危在此門萬家裹
囊橐一老柱乾坤礮下鹵無骨帳前兒有孫忠勳何

處顯白日照中原 黃潭先生詩集

王家彥字尊五福建莆田人天啟壬戌進士協理京營
兵部右侍郎崇禎十七年三月守德勝門城陷自投城
下不死折臂及足其僕扶入民舍自縊死 昭忠錄

甲申寇偏王公家彥坐安定門歎曰我總督團營今日
城破萬死難贖且義不可汚賊必遂自縊于城樓未幾

城發城樓復歷後出其屍于瓦礫中其甥楊負而殮之
甲申傳信錄

按王公之死諸書皆云在德勝門惟傳信錄
作安定門諸書皆云自投城下惟傳信錄作
自縊城樓所聞異辭並存俟考

三聖菴在德勝街左巷後築觀稻亭北為內官監地南
人于此藝水田梗秔分塍夏日桔槔聲不減江南 燕都
游覽志

袁宗道三聖菴紀游畧德勝門內東偏有公田若干
頃中貴治之引水為池以漚沿池數里緣楊蓊蓊一
望無際池邊一菴曰三聖面市背田門前古木四章
身如青銅亭亭直上蒼翠可愛殿堂不甚崇然 雅

麗 蕭碧堂集

菴背水田門前古木四柯如青銅其西有臺臺上亭口

觀和 帝京景物畧

德勝門水次 八百 以供御用內監 十人領之

客燕雜記

龍華寺在德勝門東成化三年建萬曆五年重修 春明夢餘錄

夢餘錄

成化三年錦衣衛指揮僉事萬貴自 成疏請寺

于朝憲宗賜額曰龍華寺有沙門道 碑記萬曆中

撰朱之蕃復為碑記焉寺門稻田千 南客思鄉者

過之 帝京景物畧

龍華寺明碑二其一播陽擊 柳鹿

侯朱永篆額其一金陵朱之蕃撰高陽孫承宗篆額永

春李開藻書文辭甚俚不足觀 淶水亭雜識

張佳循詩地有龍華勝心隨石榻清春風一枕到孤

月萬松明花散諸天雨鐘鳴不夜城抽簪如可得于

此悟無生 崱來先生集

劉應秋避暑龍華寺作無地堪避暑清齋試掩扉庭

空雙鳥過日落一僧歸多病藥為茗臨風苧作衣浮

名今老大久矣息塵機 劉大司成集

十刹海在龍華寺之前方五十畝室三十餘間相比如

號舍佛殿亦分一舍不更廣也初作者三藏師陝西人

帝京景物畧

佑聖寺在龍華寺之後有嘉禾張文憲碑稱寺係唐咸

日下舊聞

卷十五

七

通年建嘉靖三十九年重修 涿水亭雜識

金剛寺在積水潭之上與德寺東寺有石勒金剛經前
小閣後靜室紙牕棊几殊有幽趣後乃改剏大殿高閣
左右翼樓數十楹往昔清深幽遠之致盡化于砂礫間
矣 燕都游覽志

金剛寺即般若菴也背湖水而曲巷舊有竹數叢小屋

一區萬曆中蜀僧省南大之前立大殿後建高閣寺西

燕石刻金剛經署宰官名倩人筆也士大夫看蓮北湖

每一憇寺中 希京景物畧

與德古刹左傍地俱售之般若菴逼仄不能容步右傍

多僧舍修篁綠籜叢木青柯相望楚楚後有平臺大可

訖許解帶臨風開襟敵水固不減在濠濮間也 燕都游

一志

從興德寺折北而西為蓮花菴疎林朗樾含吐餘清後

一臺瞰湖陽諸寺若列眉案隣有火神祠後亦有臺可

以眺遠 同上

于慎行詩禪宮遙倚北樓開樓下平湖落照來金水

環城全象漢蓮花湧寺宛成臺諸香各捧空王座一

葉能浮太乙杯便是忘歸歸亦醉夕陽清角莫相催

穀城山房集

吳惟英詩去年花外客今復到長堤淺水兼天濶新

蒲與岬齊鐘傳高閣遠柳覆小橋低指點村烟起歸

心促馬蹄 墨響齋集

清虛觀廣福觀俱在日中坊 順天府志

日下舊聞

卷十五

二

清虛觀景泰二年建寰宇通志

李東陽廣福觀詩飛樓凌倒景下照清徹底時有步

虛聲隨風度湖水懷麓堂集

萬嚴寺在城內北元至治元年建寰宇通志

廣化寺在月中坊鷄頭池上元時有僧居之日誦佛號

每誦一聲以米一粒記數凡二十年積至四十八石因

以建寺焉析津日記

漫園在德勝門積水潭之東米仲詔先生所構有閣三

層先生嘗為湛園勺園及此而三燕都游覽志

定國徐公別業從德勝橋下右折而入額曰太師園前

一堂堂後紆折至一沼一頗踈曠沼內翠蓋丹英錯雜

如織沼北廣榭後擁全湖高城如帶庭有垂楊裊裊拂

地婆娑可翫堂左右書室西築高臺聳出樹杪眺望最

遠濱湖園為第一同上

孝廉劉百世別業堂三楹南有廣除眺湖光如鏡故名

鏡園下有路委折臨湖門作一臺望山色遙青可鑒臺

下地最早眺湖較遠今屬冉都尉同上

相國方公園在城北水關西同上

劉茂才園翔三楹北向無南榮東纍層級而降下作朱

欄小徑北軒二楹南有小沼種蓮北扉當湖東有書室

上作平臺此地居湖中乃南北最修處所以獨勝同上

混園者太守苗公君頴別業也西面望湖同上

楊園在混園稍南楊侍御新勑同上

發祥坊七舖有大興左衛崇國寺正覺寺弘善寺白米

寺五城坊巷

崇國寺在皇城西北隅定府大街元時有東西二崇國寺此則西崇國寺也趙孟頫書有寺碑宣德間重建賜額大隆善護國寺今都人猶稱崇國焉燕都游覽志大隆善護國寺都人呼崇國寺始至元皇慶修之延祐修之至正又修之元故有南北二崇國寺此其北也宣德己酉賜名隆善成化壬辰加護國名正德壬申勅西番大慶法王領占班丹大覺法王著官藏上等居此中殿三旁殿八最後景命殿殿傍塔二曰佛舍利塔成化七年勅碑二正德七年勅碑二梵字碑二天順二
年碑二其一西天大刺麻桑渴巴刺行實碑其一大國師智光功行碑又有元碑四其一至元十一年修崇

國寺碑沙門雪礪法種撰其一至正十四年皇帝勅置碑其一皇慶元年崇教大師演公碑趙孟頫撰并書其一石斷為七環鐵束而立之至正二十四年隆安選公傳戒碑危素撰并書寺為脫脫丞相故宅今千佛殿傍立一老髯幘頭朱衣一老嫗鳳冠朱裳者脫脫夫婦也後僧錄司司右姚少師影堂少師佐成祖為靖難首勳侑享太廟嘉靖九年移祀大興隆寺俄寺災移此木主題推忠報國協謀宣力文臣特進榮祿大夫上柱國榮國公姚廣孝像露頂袈裟趺坐上有偈署獨菴老人題獨菴少師號也帝京景物畧京師有姚少師畫像面大方肥紅袍玉帶髻頂上戴唐帽今崇國畫像猶是僧服姿容瀟灑雙睛如電光之燦

像贊云看破芭蕉拄杖子等閑徹骨露風流有時搖動
龜毛拂直得虛空笑點頭蓋本色衲子語 長安客語

成化八年七月修隆善寺畢工命工匠張定住等三人
人為文思院副使寫碑官尚寶司少卿任道遜為本
卿司丞程洛為少卿於是工科都給事中王詔等言
修寺之初臣等失于論諫固已獲罪于陛下不容于
議矣今寺成碑完而官爵之濫如此彼西征北伐捐
殞命之人將何以勸酬之 憲宗實錄

番僧有數等曰大慈法王曰西天佛子曰大國師曰國
師曰禪師曰都綱曰剃麻俱光祿寺支待有司支酒饌
一次二次三次又支廩餼者有但支廩餼者上即仁初
禮部尚書胡濙等議減去六百九十一人正統元年五

月濙等備疏慈恩寺善能仁寶慶四寺番僧 實錄
又四百五十人 英宗實錄

趙孟頫大崇國寺佛性一融崇教一師演公碑銘
師名定演俗姓王氏世為燕三河一七歲入大崇
寺事隆安和尚為弟子世祖皇帝賜號佛性圓
教大師至元二十四年別賜地大都乃與門人
興建作大殿以像三聖樹高一以皮諸經丈室廊
齋厨僧舍悉皆完美故崇國有南北寺焉時吳一
德雄辯大師授以道宗刺血金書戒本於是祝一
徒以萬計稽首座下尊禮師為剃磨首師自蒞講
數蒙聖恩嘗賜白玉觀音菩薩像臨終之日具湯沐
淨髮與門人別怡然長往舊制近郭禁火化師卒以

聞時上在春宮特旨有司賻喪令於城西南淨土院
茶毗獲舍利數百粒翌日葬魯郭之野起支提焉

雪齋集

袁宏道崇國寺遊記崇國寺僧引觀姚少師像像贊
皆本色衲子語少師自題也過番僧舍觀曼殊諸大
士變像藍面猪首肥而矮遍身帶人頭有十足駢生
者所執皆兵刃形狀可駭僧言烏斯藏所供多此像
因談彼國風俗及道里險遠之狀大率烏斯藏諸國
以中國最下茶爲國寶市物皆用之黃白金反滯不
得行國無稻所食皆麥菽數十里一君如中國之郡
邑然僻陋儉苦之鄉也

袁中郎集

按趙子砥燕雲錄稱奉使官中書侍郎

日下舊聞卷十五補遺

城市六

北城下

都人呼飛放泊爲南海子積水潭爲西海子按海子之
名見於唐季王鎔爲鎮帥有海子園嘗館李匡威於此
北人凡水之積者輒目爲海若寶坻之七里海昌平北
之四海冶是也元時運船直至積水潭王元章詩燕山
三月風和桑海子酒船如畫樓想見舟楫之盛自徐武
寧改築北平城後運河海子截而爲二城內積土日高
雖有舟楫橋梁不能度矣

詠歸錄

黃清老海子上有期作金堤晴日共鳴鑣傾蓋松陰
待早朝數盡荷花數荷葉碧雲移過水東橋

樵川集

馮有經龍華寺詩湖際先朝寺幽棲驗物情磬聲松

卷十五補遺

下靜鳥語竹間清菰米羞飯園葵薦露羨重來知
幾日虛負老僧盟 幾輔詩存

朱德潤觀內厩洗馬詩黃雲灑雨沙塲秋灘高水平
凝不流曉霜襲透蒼駝裘困人浴馬津水頭綠驃連
錢雙驂驕日光射波脂膩浮青絲脫鞚黃金鈎輕爬
短刷濕未收三花剪鬣平且柔籥雲駿氣將無儔束
芻斗豆豈馬羞茫茫豐草生林丘霜蹄何為踏長楸

振鬣一躍期天遊 存復齋稿

李時勉春日遊海印寺詩禪刹凌空出山門近水開
遠尋祇樹底斜過禁城隈鳥熟當庭下僧閒愛客來
一燈還續火歷劫獨餘灰傍海宜看月談空想渡杯
佛存金擁象砌古石扶臺方丈無塵到危巢有鶴回

長廊聞梵罷蹄騎夕陽催 古廉集

王梅秋日登鏡光閣詩紺園珠閣帝城邊下有晴波
接御川彩仗不聞龍艦合珠簾如隔鳳笙傳秋風車
馬平陽館落日溝塍杜曲田撫景未能摘麗藻登臨
空自感流年 柘湖遺藁

崇國寺佛殿前曰延壽後曰崇壽再後曰三仙千佛之
殿趙子昂書崇教大師演公碑危太僕書隆安選公傳
戒碑在千佛殿作階南僧雪澗書重建寺碑在千佛殿
西階南又有至正十四年聖旨碑上序元諸帝皆用國
語所云成吉思皇帝者太祖也窩濶台皇帝者太宗也
薛禪皇帝者世祖也完澤篤皇帝者成宗也曲律皇帝
者武宗也普顏篤皇帝者仁宗也格堅皇帝者英宗也

忽都篤皇帝者明宗也亦憐真班皇帝者寧宗也中不
及文宗者後至元六年以帝謀不軌使明宗飲恨而崩
詔撤其廟主故碑文亦不書也陶氏輟耕錄載元世系
完澤篤作完者篤格堅作華堅忽都篤作忿都篤亦憐
真班作懿憐真班當以石刻爲正 炙硯錄

釋法楨大都崇國寺重建碑畧京師有寺曰崇國前
至元乙酉世祖皇帝所賜地傳戒大德沙門定演所
開剎佛殿經閣雲堂方丈香積僧寮凡百有餘楹皇
慶延祐間仁宗皇帝刺撥室利皇后賜鈔三千餘定
買地別建三門壽元皇太后復賜鈔五百定而經營
焉至正十一年歲次辛卯孟夏大竹林寺沙門雪澗
法楨撰奉訓大夫中書刑部侍郎葛裡書儒林郎江

南諸道行御史臺監察御史許居直篆

張翥買屋靈椿坊作五槐濃綠蔭門前東宇西房十
數椽不是衰翁貪買屋歸時留作雇船錢 蛻菴集

楊載海子橋送客詩金溝河上始通流海子橋邊繫
客舟此去江南春水漲拍天波浪泛輕鷗 楊仲弘詩集

元時居庸關盧溝橋俱有過街塔按歐陽元功詩薊門
城頭過街塔一 一 行人通寶間則薊丘城門亦有之矣
行國錄

張弼花朝游大慈恩寺詩花朝尊花不見花行行直
至梵王家周遭金海波光合遠近翠樓烟景賒綵衲
番僧通漢語香酥鮮乳薦巴茶凭高總覽乾坤勝萬

歲山蒸五色霞

東海集

淨業寺門臨水岸去水止尺許其東有軒坐蔭高柳荷

香襲人江南雲水之勝無以過此

明水軒日記

趙子昂同李子構過海子飲于酒家有小姬勸飲子昂賦詩云小姬勸客倒金壺家近荷花似鏡湖游騎等閑來洗馬舞鞋輕妙迅飛鳧油雲判澗纏頭錦粉汗生憐絡臂珠只有道人塵境靜一襟涼思詠風雩子構詩云馳道塵香逐玉珂彤樓花暗鼓雲和光風漸絲瀟洲草細雨微生太液波月榭管絃鳴曙早水亭簾幙受寒多少年易動傷心感喚取青眉對酒歌子構名不京兆人年十七賦此詩又嘗於客座詠十月桃得句云劉郎再來歲云暮王母一咲天回春衆皆閣筆子構天死子昂

稱其詩雜于唐人中未易辨而皇元風雅元詩體要皆作盧亘詩非也不出戶庭錄

張翥清明日海子風入松詞尋春春在鳳城東羅帕

玉花驄美人半鞦垂鞭袖游塵滿目斷雲空淺碧湖

波雲漲淡黃官柳烟蒙相如多病賦難工宿酒更

頻中歸來自按新聲譜憑誰解唱與東風一夜小牕

疎雨杏花明日應紅

蛺蝶菴樂府

順天府尹丞題名記工部尚書豐城雷禮文也嘉靖三十九年立寮佐題名碑記二一為禮部左侍郎鉛山費

來撰嘉靖二十二年立一為順天府通判晉江張問仁

撰萬曆十三年立

函山旅話

日下書

卷十五補遺

四

慈隆寺在金臺坊酒醋局外廠東萬曆二十二年御馬
監太監高勳修建寄園寄所寄錄

順天府中有候氣堂在東夾道迤北立春日欽天監官
於堂下掘地為坎深數尺以竹管八實灰其中照方位
布列坎內以土覆之至冬至日啟視以占八方之豐歉
若管灰全浮出者為豐不浮者為歉即漢書葭莩灰實
律管之法也挑燈集異

申時行順天府重修候氣室記國家建日官以授時
作事占步推測之法甚密而順天治輦下其制特詳
每盛德在木迎春于東郊先五日欽天監奏遣其屬
二人往候氣其布瑄實灰重室畧如舊法隨方占之

以

知歲稔惡所司奉行以為常然其嘗故莫

得

麻故有候氣密室在東北陬歲久頽圯乃

就空殿中行事一切取文具無有言修葺者京兆新

會稽朱公移書大空請更作奏上報可乃

以公

美質財飭工即其址為室若干楹二公能

崇

敬民事興敝補闕亦足以知其政矣賜開堂

集

永樂十三年二月甲申北京立馬神祠時行太僕寺卿

楊砥請立

神祠于蓮花池上命翰林院考古今儀式


翰林院言古者春祭馬祖夏祭先牧秋祭馬社冬祭馬
步之神國朝南京立祭司馬之神每歲春秋用豕一羊
一帛一於是命北京馬神祠設馬祖等神及司馬之神

日下書

卷十五補遺

五

五位每位用羊豕帛各一儀制准南六



日下舊聞卷十六

城市七 南城上

正東坊自正陽門外東河沿至崇文門外

四十舖有蕭公堂崇真觀天慶寺慈源寺清化寺西三

里河東三里河蘆葦園五坊巷備衛集

天壇周十里內有園丘神樂觀天師府犧牲所在正陽

門外永定門內街東同上

天壇在正陽門之左永樂十八年建繚以垣墻周迴九

里十三步初遵洪武合祀天地之制稱為天地壇後既

分祀乃專稱天壇春明夢餘錄

嘉靖九年正月吏科都給事中夏言請更定郊祀言國

家合祀天地于南郊又為大祀殿而屋之設主其中弗

應經義古者祀天于圓丘祭地于方丘圓丘者南郊地上之丘丘圓而高以象天也方丘者北郊澤中之丘丘方而下以象地也南郊之壇曰泰壇以之燔柴北郊之坎曰泰圻以之瘞埋此古之制也是故兆于南郊就陽之義也瘞于北郊即陰之象也此分祭天地各正其所凡以順天地之性審陰陽之位也况壇于南郊雖以就陽亦因高之義坎于北郊雖以就陰亦因下之義豈有崇樹棟宇擬之人道哉乞勅多官集議以求至當上嘉之

國朝典彙
詔博采公議主分祭者昌國公張鶴齡定國公徐延德懷寧侯孫瑛瑞安侯王橋駙馬鄔景和謝詔安仁伯王相玉田伯蔣榮慶陽伯夏臣崇善伯王清都督夏助右

都御史汪鉉府尹黎奭府丞黃鍾中允廖道南編修程文德給事中夏言蔡經張澗身李仁王聘田秋周祚陳守愚高金趙漢臣李鳳來戴儒孫應奎御史王繼禮喻希禮陰汝登郭弘化周禪徐淮虞守愚倪緝梁尙德陸琳李循義主事宋錦李欽昊治中江登通判陳邦傳楊承祺王紳劉初推官江文中經歷陳琬冷宗元郭鳳張居仁劉秉仁韓義都事楊木李光祚知事胡蘭照磨李俊張需檢校南鉦兵馬指揮畢成胡綱劉倫副指揮何守安牛進德朱哲張光祐王璠陳謙周侃郭本端詹垣馮錫顧言廖長倫劉紹宗鄧文隆宋秀祝世亨吏目戴鑑馬昂張鉞凡八十二人主分祭而以成憲及時未可爲言者平江伯陳圭大學士張璉翟鑾侍郎董玘張雲

臣陳洪謨聞淵副都御史唐龍金下御史李如圭通政使張瓚卿黃宗明曾直少卿林宗先光史道寺丞周鳳鳴簡霄朱昭陳綬葉陳雲章葉廷芳彭黥修撰龔用卿編修張星給事中王守御史許廷桂張惟恕盧問之傅漢臣謝蘭寺正陸鰲王天民寺副王鴻漸林士鳳朱節胡湘評事陳經應杲吳壩孫裕戴呬余斐龔治司務劉贊襄馬顯主簿周文定都亭陳貴韓勛典簿宋文熹陳琅署正朱劬袁煥蒲敏元邊傳署丞李繼元况道余定李儼劉壽李珏丁應南張夢徵楊茂深羅其賓陳珮秦學書監事楊臣秦昌勝董倫馬圖劉鏗鄭時明劉睿徐芳張保鄒儒李瑞陽要秀吳冕丁如紀袁汝霖凡八十四人主分祭而以山川壇爲方丘者

尙書李一編修歐陽德歐陽衢給事中魏良弼御史傅炯余鈞郎余光祉行人司正邊彥石司副劉守良行人李遂王禎傅學禮秦鰲方太和論周汝員柯喬孫世祐實莊戶賓田濡蔡燧睦華原家曾二十六人主合祭而未嘗以古禮爲非者尙書方獻夫李承勛梁材司讚章拯侍郎徐縉蔣璠蘇民卿葛浩詹事霍韜顧鼎臣司政朱滄陳經叅議劉繼德孫檜劉日之卿魏校庶子穆孔暉諭德彭澤贊善林文俊蔡昂學士張潮吳惠席春許成名修撰倫以訓姚誅三用賓編修張袞楊維傑徐階祭酒許誥司業林時給事中王汝悔趙廷瑞曾仲魁董進第陳御史譚縉王袞陳講王道范安王杲趙兌吳麟士勦葉照朱觀方遠廖自愚

郎中劉序李默鄧尙義王松范伸劉從學黃瓚史
 麟許繼宋銳吳檄盧襄華鑰黃禎張經王大化盧
 蕙榮察汪堅易鑿張瑤儒閣溥陳文譽劉佐侯緘
 甘為霖丁洪純王虞八員外郎張廷馮世雍李
 世臣王激王三省吳冲
 屠倬王莘郭田王旒呂顯張李瑜趙葉場鏞資澄張
 邦教余述張叔郁山主事楊豐全徹緒顧陽和吳允祿
 任瀚鄭汴汪居安馬坤鄭堯黃潤江滙屠楷陳大珊曾
 世曰苗汝霖徐子貞熊汝何熬趙時春王學益王應楨
 徐官駱顯傅好禮汪以達子舉李喬陳貫諸傑張臬
 毛衢賈名陳耀朱子和蘇民夏玉林陳箴程綬
 施昱謝紘郭宗皇王士林瓊康世隆查先諸邦

憲李翔郭秉高仲嗣陸時亨張參王鈞馮冠龔轅守
 書舍人郭俊司務張國紀高臣李克中張鵬吳道
 繁于喬張仲良周紳蘇民照磨丁律校宋斌張崑
 丞徐炳典簿鄧祀博士王廷臣林文卿王昺蘇璞王
 章助教魏琦陳謨陳禧金周陳琦薛僑譚諫林思誠
 震臣李邦祥學正房堅任冕蔡奇范儒汪吧林文林邦
 望學錄李賓趙誌陳界彭元陽典曹斌翔凡二百六
 人無可吝者英張崑等一百九十八人
 按部合持其同姓名可見者三百九
 十八人
 小臣咸得與焉亦以日詢之廣也
 五月作圖丘于天地尊北息宇

園丘第一層壇濶七丈八寸四出陛正南陛濶

九尺五寸九級東西北面陛俱濶八尺一寸九級壇一

及壇脚用琉璃磚千第二層壇高周圍具濶二丈五

高八尺一寸正南陛一丈二尺五寸九級東西北面

俱一丈一尺九寸五分九級壇面及壇脚用琉璃磚

四面用琉璃磚十塊壇一十五丈高八尺一寸用磚

砌正南靈星門三座濶一丈二尺五寸左門濶一

丈一尺五寸五分右門東面靈星門濶九尺五寸北面

西面尺寸同燔壇一丈一尺濶外東地高九尺濶七

尺上開南出戶壇脚東西南三面

一十五丈正南靈星門三座中門濶九尺五寸門

外正南道濶丈尺同左門濶一丈八五寸門外左門

道丈尺同右門濶一丈一尺九寸五分門外右南道丈

尺同東西北靈星門濶一丈一尺九寸五分甬道丈尺

同存心錄

禮臣言園丘之制大明集禮壇上成濶五丈存心錄則

第一層壇濶七丈集禮二成濶七丈存心錄則第二層

壇面周圍俱濶二丈五尺蓋集禮之二成即存心錄之

一層存心錄之二成即集禮之一成矣臣等無所適從

潤色參詳是在皇上裁定奉旨園丘第一層徑濶五丈

九尺高九尺二層徑一十丈五尺三層徑二十二丈俱

高八尺一寸地面四方漸墊起五尺

園丘外圍方牆門四南曰昭亨東曰泰元西曰廣利北

曰成貞內靈星門南門外東南砌綠磁燦燼傍毛血池

西南望燈臺長竿懸大燈外靈星門南門外左設具服
 臺東門外建神庫神厨祭器庫宰牲亭北門外正北建
 泰神殿後改為皇穹宇藏上帝太祖之神版龕以兩廡
 藏從祀之神牌又西為鑾駕庫又西為犧牲所北為神
 樂觀成貞門外為齋宮迤西為壇門春明夢餘錄
 皇天上帝正位南向太祖配位西向東一壇大明之神
 西一壇夜明之神東二壇二十八宿之神西二壇雲師
 雨師風師雷師之神嘉靖祀典
 園丘第二層上設大明星辰位居東夜明太歲位居西
 內壇東設風雲雷雨師位天下神祇壇在外壇之內有
 天上宮配帝位版長二尺五寸濶五寸厚一尺一尺高

一寸黃質金字大明之神金地硃書夜明之神黃地素
 書五星二十八宿周天星辰之神俱綠地金字雲師雨
 風師雷師之神俱丹漆金書嘉靖祀典
 永樂十八年北京天地壇成每歲合祀洪熙元年奉太
 宗高皇帝太宗文皇帝同配享嘉靖九年勅建園丘于
 祀殿之南每冬至祀天以大明夜明星辰雲雷雨雷
 從祀建方澤于安定門外每歲夏至祀地以五岳五鎮
 四海四瀆陵寢諸山從祀俱止奉太祖一位配享而罷
 太宗之配其大祀殿則以孟春上辛日行祈穀祭奉太
 祖太宗同配十年又改以啓蟄日行祈穀禮于園丘仍
 止奉太祖一位配享十七年秋九月詔舉明堂大享禮
 于大內之元極寶殿奉睿宗獻皇帝配享元極寶殿即

舊欽安殿也是冬十一月上皇天上帝尊號十八年春
行祈穀禮于元極寶殿不奉配二十四年拆大祀殿改
建大享殿命禮部歲用季秋行大享殿禮隨又命仍暫
行于元極寶殿隆慶元年詔罷祈穀大享二祭復元極
寶殿仍名欽安殿而天地則分祀如世宗所更定云
太

岳集
園丘琉璃闌干詔用青色

嘉靖祀典

唐時明堂制度其宇上圓覆以清陽玉葉清陽色也玉
葉亦瓦之類今大享殿及園丘闌干皆用回青瓦亦清
陽玉葉之類唐每郊祀啓南門灌其樞用脂百斛今都
城南門亦閉不開惟郊祀駕出方啓穀城山房筆塵
嘉靖十三年二月奉台園丘方澤今後稱天壇地壇嘉

靖祀典

萬曆十三年四月十七日上以天旱禱于郊壇白宮中
步行而出禱畢仍步還宮纂瓦編

蔡羽郊壇詩輦道風清碧野平紫煙常自鎖南城行
宮歲幸乘龍近仙侶朝來學鳳鳴小殿沉香金氣鬱
園丘芳草玉華清祠官記得天行處萬燭光中候珮
聲林崖集

黎民表雨後經天壇沙河作平沙雨濕草茸茸白玉
高壇紫翠重馬上行人看不厭石廊流水遶疎松
石山房集

馮琦恭陪聖駕步禱南郊紀事詩龍虎新軍罷勾陳
御路開紅塵都不掃留待雨師來北海集

祈穀壇大享殿卽大祀殿也永樂十八年建合祀天地于此其制十二楹中四楹飾以金餘施三采正中作石臺設上帝皇祇神座于其上殿前爲東西廡三十二楹正南爲大祀門六楹接以步廡與殿通殿後爲庫六楹以貯神御之物名曰天庫皆覆以黃琉璃其後大殿易以青琉璃瓦壇之後樹以松柏外壝東南鑿池凡二十區冬月伐冰藏凌陰以供夏秋祭祀之用至嘉靖二十一年撤大祀殿擬古明堂名曰大享每春行祈穀禮隆慶元年禮官言先農之祭卽祈穀遺意宜罷祈穀於先農壇行事大享禮亦宜罷詔可至崇禎十四年正月上辛復行祈穀禮十五年正月上辛卽在朔日禮部以朝賀不便請改十一日中辛得旨於中辛日行禮春朔

餘錄

齋宮在園丘之西前正殿後寢殿傍有浴室四圍墻垣以深池環之東西懸太和鐘每郊祀候駕起則鐘聲作登壇則止禮畢升駕又聲之同上

神樂觀在天壇內之西設提點知觀教習樂舞生內有太和殿遇祭則先期演樂於此同上

李夢陽郊觀齋居東邊喬二太常作人口過仙院青霞縹緲分碧回崖澤草紅綻藥宮雲獨處依松樹清齋對鶴群桃源知並入惆悵不逢君空同集

犧牲所建于神樂觀之南東北爲司牲祠舊制歲以十月朔旦駕臨親閱以後每夕輪一大臣視之蓋自五府及吏戶禮兵工五部通政翰林堂上官之不司刑者

皆與焉凡兔房鹿檻羊機牛枋猪圈周行歷祝出入皆
騎卒火甲人等護衛每夕鐘定人靜乃出至中宵始回
城門起鑰以入次早復命用騎卒自宣德年始春明夢
餘錄

泰元門東有榮雩壇為制一成東為神庫嘉靖中以孟
夏後祭天禱雨同上

雩壇止去地一級四圍用爐鼎四壇面用爐鼎二比圍
丘減四分之一嘉靖祀典

天壇之北藥王廟武清侯李誠銘立也左墀碑文恭順
侯吳惟英書也帝京景物畧

魚藻池在崇文門外西南俗呼曰金魚池畜養朱魚以
供市易都人入夏至端午結蓬列肆狂歌轟飲于穢流

之上以為愉快燕都遊覽志

金故有魚藻池舊志云池上有殿榜以瑤池殿之今
池陰一帶園亭甚多南抵天壇一望空濶每端午日走
馬于此帝京景物畧

天慶寺原遼之永泰寺金大安中兵毀元世祖至元壬
申重建明宣德中重修後有高閣可望天壇僧舍有李
龍眠畫羅漢十六軸春明夢餘錄

天慶寺碑至元九年學士王惲撰并書同上

天慶寺僧舍有雅致亭燕石集

天慶古刹也今止存明碑二其一天順戊寅尚寶司卿
重慶蹇英撰文禮部員外郎錢唐吳謙書其一嘉靖乙

丑建極殿大學士華亭徐階作記
 馬祖常天慶寺納涼聯句槐屋夏陰繁石池暑氣清
 高堂瞰福田邃宇依王城午磬梵唄集夜廊酥燈明
 龕經鬱金字壁礎承丹楹寂寂鴿棲杲宛宛燕穿榮
 露葵炫畫艷霞藥敷陽英境間便靜室心古樂高情
 逍遙祇園賞迤邐廬社盟山枕籍雲澗水簾凝冰輕
 飯盂給香積袈裟華縷海圖岩壑拆天樂音聲鏗
 荔墻護筠粉桐甃沉榴瓔共忻朋簪合敢謂詞鋒并
 睥睨荒草棘橫縱按林坳幽尋披塵鞅雅淡忘飛觥
 鄙哉河朔飲投憤得世名石門集
 袁梅記至治三年三月甲寅 國大長公主集中書
 議事執政官翰林集賢成 之在位者悉會下南

之天慶寺命秘書監丞李某爲之主其王府僚衆悉
 以佐執事邊豆靜嘉尊筆潔清酒不強飲簪珮雜錯
 水陸畢湊各執禮盡歡以承飫賜而莫敢自恣酒闌
 出二畫若干卷命隨其所能俾識于後禮成復命能
 文辭者叙其歲月以昭示來世竊嘗聞之五經之傳
 左國是先女史之訓有取于繪畫將以正其視聽絕
 其念慮誠不以五采之可接而爲之也先王以房中
 之歌達于上下而草木蟲魚之纖細因物以喻意觀
 文以鑒古審時知變其謹于朝夕者盡矣至于宮室
 有圖則知夫禮之不可僭溝洫野則知夫民生之
 日勞朝覲贊享冕服樂懸詳其儀而慎別之亦將以
 寓其儆戒之道則是魯國之所以襲藏而躬玩之者



誠有得夫五經之深意者豈若嗜奇侈聞之士為耳
目計哉河水之精上為天漢昭回萬物禱雲興而英
露集也吾知縑細之積寶氣旁達占候者必於是乎
得之泰定元年正月清容居士集

蹇英重修天慶寺碑畧距城南三里河之濱曰魏村
社其地幽曠間寂林木叢茂有古刹曰天慶其創始
不可考宣德中僧德誌仍其故址更新之建大殿禪
堂齋堂丈室以次成天順戊寅十月或請于朝仍

賜額曰天慶寺其石志
慈源寺成化二年指揮朱善建帝京景物畧
圓覺寺亦在魏村社明景泰中所建也有嘉靖四十
年重修碑記雲南道御史趙鐸撰文行國錄

金井在府南魏村社明一統志

姚彬關王廟俗傳吳將姚彬盜關公馬被獲強不屈廟
塑縛彬像公戎服作色左顧彬彬及面色不屈僧將七
人怒視彬縛彬者仰公顏色而受命馬回望公其色歎
沫人曰隋時像也帝京景物畧

三里河元時名文明河接通惠河為漕儲運道今鐵閘
尚存春明夢餘錄

漕運總兵官都督楊茂上言京城南原有三里河直通
張家灣輝郭橋自橋往西疏濬深濶二十餘里卻將煙
郭木橋改作弓橋撤船到彼灣泊可免漂流之患若將
此河濬深直至三里河作乎水壩三四截于內置扁淺
剥船令運船由此盤京師歲可省車脚數百萬

成化七年十月戶部尚書楊鼎工部侍郎喬毅上浚河事宜上命同漕運叅將袁佑踏勘得城南三里河至張家灣運河口袤延六十里舊無河源正統年間因修城濠作壩畜水慮恐雨多水溢故於陽橋東南低窪處開正通濠口以泄其水始有三里河名自濠口三里至八里莊始接渾河舊渠兩岸多人家廬舍墳墓流向十甲迤南全舊河流入張家灣白河其水深處止有二三尺淺處一尺餘濶處僅丈餘窄處未及一丈又有走沙天旱則淤壅淺澀雨澇則漫散衝突勢不易開憲宗實錄

大通橋去通州四十里地形高通州五丈置十閘方可

行舟三里河在天地壇前去通州五十里形高通州丈九尺置二閘便可行舟但有一二走沙耳病逸漫山重建三里河橋碑在橋西釣山寺碑建于正德十二年翰林院修撰江陰周叙撰文鐵山寺僧宗洪號也析津日記

周叙重修三里河橋記都城迤南有河焉乃隍水之枝流也河之上有橋焉之名曰三里其始創自天順間歷歲既久土崩石泐而往來乘載者病焉時有坊間善士戴通者欲為改作慮其費不貲功未易舉因與僧宗洪號鐵山者謀之廣為募緣不數月而集銀兩千一百七十有奇故橋降七尺以為基高十四尺有奇視舊加四之一衡二十有四尺視舊加六之

一縱四十尺視舊加六之一益墁石三十尺有奇視舊加三之一石欄板視舊加三之一石欄柱視舊加四之一橋之西東各竅三尺增築砥平衝皆四十尺有奇其東之縱三十尺西之縱六十有二尺橋之北南作耳橋者三一瞰乎寺之南泉一拱乎巷之鞭子一揖乎街之半邊不惟達是橋之衝路抑且殺河之勢而闕流之淤也延袤共七百尺有奇越五月而工成時正德十二年丁丑

吉金貞石志

正陽門外東偏有古三里河一道東有南泉寺西有玉泉庵至今基下俱有泉脉由三里河繞山忽源寺八里莊五箕花園一帶直抵張家灣煙墩港地勢低下故道俱存冬夏水脈不竭見今天壇北蘆葦園草場九條

其地下者俱河身也高者即舊馬頭明白易見不假經畫稍加修治即可復也但附近勢家莊園故成化六年楊茂雖嘗建議而不敢盡言但請置壩而已後亦竟沮不行成化十二年亦踏勘而勢家賄通欽天監以為地居京師子午方位為說不知三里河乃在都城巽巳實非子午方也今誠按此修濬則公私大船俱可直抵三里河不但便船剝而已

桂文襄公奏議

按張爵紀五城坊巷衝衝南城正東坊有西三里河東三里河蘆葦園崇南坊則有南河漕于家灣通運所纜竿市又有三轉橋紀家橋板橋雙馬莊八里莊十里河皆三里河入張家灣故道今其名雖存而深谷為陵遺跡

漸不可考矣

三里河之故道已成陸矣然時雨則停潦泱泱然河也武清侯李公疏之入園中園遂以水勝可汎舟周廊過亭其東梅花亭砌亭為瓣五鏤為門為牕繪為壁甃為地范為器其形皆以梅帝京景物畧

劉同升李園小集詩小橋行過柳溪灣為訪園亭竟

日閒出郭已知依綠水登樓更喜見青山寒泉落木

疑丘壑瘦馬深衣自往還剩采東籬尋舊約君應無

夢到塵寰雨朝遺詩

正陽門外三里河東之明因寺有季伯時渡海尊者卷不知何年為人賺去存者贗本而僧不知也萬曆二十九年紫栢大師自五臺來夜夢十六僧請挂瓶鉢亭午

有負巨軸售者軸六貫休所畫羅漢也師歎異購

之各係以贊傳寺中天啓二年董宗伯其昌過此書佛

成道記宗伯三十年前見紫栢此寺中索書成道記至

此踐前諾也今榻石置僧寮左壁帝京景物畧

僧貫休姓姜字德隱婺蘭谿六州蜀王衍賜紫衣

號禪月大師畫羅漢像最著王取其本納之宮中設

香案登崇奉累月乃付翰苑文學士歐陽炯作歌以稱

之羅漢狀貌古野殊不類世間所傳豐頤額深目大

鼻或巨額槁項黧然若豹獠見者無不駭自謂得之

夢中疑其托是以神之宣和畫譜

禪月大師居定水禪院嘗夢游他國於岩阿石室親見

大士覺而追想謂之應夢羅漢率意揮染皆其真容非

世間相末乃照水自狀本形既而絕筆後一軸題云大
蜀曰龍樓待詔明因辨果功德大師翔麟殿引駕內供
奉繼律論道門選練教授三教元逸大師守兩川僧錄
大師食邑三千戶賜紫大沙門貫休字德隱自正本外
別有歸摹二本 游宦紀聞

董其昌釋迦成道記跋京師明因寺僧永舜昔年欲
刻此記于石幢散施諸方時達觀禪師在都下度夏
於禪窟謂舜上人曰此必得董太史書上人遂礪石
相待時逾二紀二子再入春明上人年六十餘矣觀
師語石如受記上人堅固之願何可負也書以付之
容臺集

清化寺在正東坊有勅碑

順天府志

程敏政宿清化寺詩早脫朝簪出帝城喜分禪榻

深更頭疑身在山中住追笑詩從馬上成把釣

歸計拙照人偏愛佛燈明枕酣一夜清無夢蕉
年亦浪驚 篁墩集

崇禎觀司禮監太監張政捨宅建正統十四年賜額景

泰四年國子監祭酒胡濙撰碑 析津日記

崇南坊在新城廣渠門左安門東南角七牌三十三舖

有地藏寺法藏寺妙音寺寶應寺崇教寺安化寺吉祥

寺 五城坊巷勸善集

法藏寺舊名彌陀寺金大定中立景泰二年太監裴善

靜修之更曰法藏有祭酒胡濙沙門道孚二碑道孚戒

壇第一代戒師世人 與頭祖師者也北地多風故塔

不能空無可登者泐藏寺彌陀塔獨空其中可登塔崇
十丈牕八面牕置一佛凡五十八佛佛設一燈歲上元
夜僧然燈遶塔奏樂金光明空樂作天上矣帝京景物

郭正域泐藏寺詩古剎城西寺蓮花處處開金輪平
地轉香雨半天來清話逢元度論文有辨才真如非
幻境雲水兩徘徊黃離草

大悲寺在崇南坊有勅建碑順天府志

夕照寺其建置年月無碑記可考或云燕京八景有金
臺夕照此寺之所由名也析津日記

安化寺在崇南坊有勅建碑順天府志

智寺穆宗受釐之地萬曆增修極其闋麗今則零落

無存矣行國錄

張居正重修海會寺碑在都城之南剎于嘉

靖乙未穆宗皇帝嘗受釐于此皇上即位之二年聖
母慈聖皇太后出內帑銀卽其地更建焉會游僧有

范成銅像一軀無所庇覆司禮監太監馮保請移置

其地復出內儲大木以爲殿材中爲殿三皆三楹方
丈一凡五楹鐘鼓樓二配殿十二禪堂十僧房四十

有奇前爲山門繚以周垣又於其外拓地六頃以爲

焚修供具之資太岳集

崇北坊在新城廣渠門東北角崇文門外東河沿往東
至都城東南角至便門東北角七牌三十七舖有天仙
廟崇恩觀臥雲庵無量庵崇恩寺臥佛寺增福廟白雲

寺積穀寺萬福寺五城坊巷衢街集

正德三年六月開設神木千戶先是朝陽崇文門外

大木厥二調鎮朔永平遵化等二十四衛所軍士千人

護視神木至是軍士陳志等奏米勤苦乞比蕃牧嘉

蔬事例改設一所兵部覆奏武宗實錄

七年三月革神木千戶所同上

十年六月復設神木千戶所于朝陽門外從太監張銀

請也同上

元至大四年十月初繪武宗御容奉安大崇恩福元寺

皇慶元年二月崇恩福元寺成元史仁宗紀

武宗及二后東西二殿藏玉千十有二麟玉寶一鈕

元史祭祀志

延祐元年閏月隆禧院官言世祖影殿有軍士守之今

武宗御容於大崇恩福元寺安置宜依例調軍守衛從

之元史兵志

天曆元年以南鎮國寺提舉司改崇恩福元提點所三

年又改為福元營繕司元史百官志

姚燧崇恩福元寺碑至大元年詔群臣曰昔朕萬里

撫軍躬擐甲胄底平北寇時有願言俟他日振旅而

南大建寶刹為祖考薦福慈闈祝釐卿曹其灼是懷

惟以其日鑿輅親巡胥地所宜於都城南不雜闌闔

得是吉土勅行工曹甃其外垣為屋再重踰五百礎

門其前而殿于後左右為閣樓其四隅大殿孤峙為

制正方四出翼室文石席之玉石為臺黃金為趺塑

三世佛後殿五佛皆范金爲席諸天之神列塑于廡
皆梵像變相詭形怵心駭目至其椽題椽桷藻繪丹
碧緣飾皆金不可費笑楹檻衡縱捍陛承宇一惟玉
石榜其名曰大崇恩福元寺外爲僧房方丈之南延
爲行宇屬之後殿庫廡庖滷井井有條所立隆禧院
比秩二品守以相臣割田外部收其租入以給祝髮
者乘輿時臨留必信宿久或浹旬功垂什八期以四
年正月八日大慶贊偏賚官役何意其日奄以奉諱
皇帝踐位哀先志之弗竟懼成功之將墜飭敦匠臣
益虔乃職罷行工曹入留鑰司之程以早集勅臣燧
汝文之碑臣燧載拜稽首作頌曰猗嗟梵宮相方視
址授其成規維昔天子寫材于江伐石于山言出風

行草靡薦頌又假相臣汝往敦匠易衣寒暑饑俟汝
餉于茲三年大立細捐垂欲落之而陟配天皇帝曰
噫朕兄所志有銜未究其在傳次乃勅攸司無替爾
程其用則取邦賦之經佛宇勅爲前古有是而其所
無而聖之治前聖往矣於佛焉依今聖萬年與日齊
輝濡軌長江拳石喬嶽善頌之存梵唄攸託收庵集
隆安寺天順間廢刹也萬曆己酉僧翠林自蜀來募金
錢修佛殿殿後堂三楹曰淨土社堂列龕五十三結僧
徒念佛歲元旦設果餌享佛盤千數名曰千盤會寺後
一閣崇禎元年僧大爲立帝京景物畧

普陀寺金山寺在崇北坊俱有勅建碑順天府志
臥佛寺入山門有圓殿佛立其中後殿有臥佛長丈餘

有十餘佛環立肩背後寺無碑記止西廊一鐵鐘係正德戊辰年所鑄新津日記寺曰妙音寺

正南坊在新城中門裏天地壇西四牌二十舖有般若寺古佛庵保安寺響鼓廟崇興寺五城坊巷衢集

山川壇在天地壇之西繚以垣壇周廻六里中為殿宇以祀太歲風雲雷雨嶽鎮海瀆東西二廡以祀山川月

將城隍之神左為旗纛廟西南為先農壇下皆藉田明

一統志

永樂十八年十二月山川壇成成祖實錄

正殿七壇曰太歲曰風雲雷雨曰五岳曰四鎮曰四海曰四瀆曰鍾山天壽山之神兩廡從祀六壇左京畿山

川夏冬月將右都城隍春秋月將嘉靖十一年即山川

壇為天神地祇二壇以仲秋中旬致祭別建太歲壇專

祀太歲東廡為春秋月將西廡為夏冬月將各二壇前

為拜殿宰牲亭南為川井即山川壇舊井有龍蟄其中

壇西南有先農壇東旗纛廟壇南藉田在焉隆慶元年

禮官議天神地祇既從祀南北郊仲秋不宜復有神祇

壇之祭罷之而太歲之祭如故春明夢餘錄

國初肇祀太歲禮官雜議因及陰陽家說十二時所宜

之神太祖乃定祭太歲于山川壇之正殿而以春夏秋

冬四月將分祀兩廡或謂月將非經見者按禮祭法埋

少牢于泰昭祭時也相近于坎壇祭寒暑也太歲實統

四時而月將四時之候寒暑行焉今祭太歲月將則固

餘冬序錄

嘉靖九年改定風雲雷雨神牌次序曰雲雨風雷上曰雲雨風雷天神也嶽鎮海瀆地祇也城隍人鬼也焉可雜于一壇而祭之議以城隍之神歸之本廟於常祭外添祭一壇

嘉靖祀典

禮臣上言太歲之神自唐宋以來祀典不載惟元有大興作祭于太史院亦無常祭國朝始有定祀是以壇宇之制於古無稽按說文太歲木星也一歲行一次應十二辰而一周天其為天神明矣亦宜設壇露祭但壇制無考應照社稷壇築造高廣尺寸差為減殺庶於禮適宜詔可

同上

神祇壇方廣五丈高四尺五寸五分四出階各九級壇墻方二十四丈高五尺五寸厚二尺五寸靈星門六正

南三東西北各一內設雲形青白石龕四於壇北各高九尺二寸五分

春明夢餘錄

地祇壇面濶十丈進深六丈高四尺四出階各六級壇墻方二十四丈高五尺五寸厚二尺四寸靈星門亦如神壇內設青白石龕山形三水形二於壇北各高八尺二寸左從位山水形各一于壇東右從位山水形各一于壇西各高七尺六寸

同上

祭雲雨風雷嶽鎮海瀆山川諸神每三歲一親祭以丑辰未戌用事雲雨風雷之神四壇南向五嶽五鎮五山四海四瀆之神五壇北向京畿山川西向天下山川東向

嘉靖祀典

太歲壇在山川壇內中為太歲壇東西兩廡南為拜殿

殿之東南砌燎爐殿之西為神庫神厨宰牲亭亭南為川井外四天門東門外為齋宮鑾駕庫外為三天門春明夢餘錄

祭太歲月將等神于太歲壇每歲于立春大禘用事正祀某甲太歲之神東廡春秋月將之神西廡夏冬月將之神嘉靖祀典

先農壇在山川壇內大歲壇傍之西樂中建為制

一成石包甃砌方廣四丈七尺高四四出陞西

為瘞位東為齋宮鑾駕庫東北為神舍市南為具服殿

殿前為觀耕臺臺用木方五丈高五尺南東西三出陞

臺南為耜田護壇地六百畝供黍稷及為新品物又地

九十四畝有奇每年額稅太常禮部收貯神倉

以備早潦嘉靖中建圓廩方倉以貯黍盛上耕耜田親

祭餘年順天府尹祭春明夢餘錄

弘治元年二月孝宗皇帝行耕耜田禮順天府率兩縣

官耆老之後添上中下農夫各十人穿本等衣鞋各執

農器引見叩頭令其終畝人賜布一疋後循以為例嘉

靖祀典

親耕耜田合用田具什物黃龍口等犁牛具順天府造

辦彩旗樂人禮部備辦庶人絳衣綠履巾襪并大紅紗

滿紅燈祭器工部修造教坊司合用樂器銅鑼四面黑

油腔大鼓四面小鼓二面黑油腔箏子四面白鐵鈎青

絲繩穿紅油木楸四把木叉四把掃帚四把斗蓬四箇

蓑衣四領黑油杠四根青絲花繩四根同上

駕祀先農躬耕藉田工部題請將黃龍口犁黃犍牛黃
絨鞭黃套索各一紅犁黃牛紅絨鞭紅套索各十二鐵
箸鐵鋤木鋤竹筐米篩竹箕荆筐掃苗掃帚箕各十
耙二副行順天府辦送

水部備考

天順乙酉仲春元辰上親耕于南郊命朝臣從耕于是
少保吏部尚書華蓋殿大學士李賢禮部尚書姚夔兵
部尚書王竑工部尚書白圭吏部右侍郎翰林院學士
彭時戶部左侍郎楊鼎耕其左廣平侯袁瑄隆平侯張
佑定襄伯郭登吏部左侍郎翰林院學士陳文吏部右
侍郎尹旻通政使張文質耕其右戶部尚書馬昂進耒
耜上耕藉三推從耕者各五推九推訖京尹及赤縣令
率耆庶終祀

水東日記

嘉靖九年二月上躬耕藉田三公九卿執事官一十二
員昌國公張鶴齡建昌侯張延齡大學士張璁翟鑿吏
部尚書方獻夫兵部尚書李承勛戶部尚書李瓚禮部
尚書李時刑部尚書許讚工部尚書章拯都察院右都
御史汪鏞翰林院學士顧鼎臣進耒耜執事官五員戶
部尚書梁材太常寺卿陳道瀛鴻臚寺卿魏瓊少卿孫
伯義順天府尹黎奭

嘉靖祀典

崇禎七年二月上親祭先農壇行耕藉禮十五年二月
上復親祭先農行耕藉禮戶部尚書傅淑訓進耒耜順
天府尹張宸極進鞭上左手秉耒右手執鞭三推步行
犁土中盡壟而止耕時教坊司引紅旗兩旁唱禾詞老
人牽牛二人扶犁二人耕畢戶部尚書跪受耒耜置犁

亭府尹跪受鞭置鞭亭府尹捧青箱播種耆老以御牛
隨而覆之上御觀耕臺於是大學士周延儒賀逢聖張
四知謝陞陳演吏部尚書李日宣六人耕于東定國公
徐允禎恭順侯吳惟英清平伯吳遵周戶部尚書傅淑
訓兵部尚書陳新甲工部尚書劉遵憲六人耕于西順
天府廳官各執箱播種太常卿奏耕畢駕至齋宮農夫
終畝科臣沈迅以教坊承應歌詞俚俗請改正上諭禮
臣以後耕藉宜歌爾風之詩春明夢餘錄

按藉田耕罷燕及群臣教坊承應作黃童白
叟鼓腹謳歌爲佯醉狀弘治初元耕藉教坊
以雜劇承應左都御史馬文升厲色曰新天
子當知稼穡艱難豈宜以此黷亂宸聽卽斥

去之思陵命改歌爾風信卓見也

顧鼎臣帝藉躬耕賦帝在位之九載大業朗以遐宣
闢兩儀以作事掩六極以爲鄺四時肇其順序入政
飭而罰愆猶且遡王事之本念民事之艱憲古昔以
示勸躬往耕乎藉田是月也星麗辰角日移參尾太
皦司辰勾芒佐理律應夾鍾節惟雨水當木德之在
御見斗杓之東指林含烟以葱菁華綴露而旖旎長
川漾而流碧芳草靡以成綺美萬井與千廛咸戒期
於于耜乃命司空治館金吾視壇燹宮岌嶭絳殿蛇
涎青幄雲駐翠幙氛連有崇臺以觀稼亘千畝兮陌
阡若天造而地設以待聖天子之幸焉爾乃卽齋宮
坐宣室儷朱紘戴青幘祝史正辭巫咸獻吉璫露朝

嚴金根宵飭服慈幣於紺轅駕蒼龍以縹輓後車備
播殖之器中宮獻種稂之實於是勾陳肅隊招搖啓
途六軍雷動七校風驅前披雲以建纛後捎星而曳
旗草莫莫兮承輦花菲菲兮襲裾至則宜廬周設坐
卑在位耆老偕觀耕夫咸萃眎翠旄之誕臨歡聲
而動地爾其配后稷享先農奠蒼敷與元醴燎芳桂
與香粢太牢薦而肥腍太簇奏而從容既用虔於祖
鬯乃躬卽乎田功于焉京兆奉鞭司徒獻耜牛澠滌
以從縻畝昉昉其如祗群歌而田鼓聲聞三推而
膏脉起陟巍臺以俯眺觀萬民之舉趾大徇之典
行享醴之讌斯啓時則大宗伯捧策而進曰陛下
農澗而陽氣以時行藉于畝于畿甸勤萬

以躬耕示三農以崇本垂百世而爲經天子有睟甘
容賑然而喜曰黍稷馨香邊豆以飭者孝之則也三
時不造唯農是恤者仁之錫也庶土任宜深耕易耨
者政之式也余一人念稼穡之艱難躬胼胝而無逸
雖六府之孔修猶日慎于一日豈止於奉遺典而循
行慕前修而潤色者哉于時上率元臣載拜稽首奉
萬歲之觴上一人之壽鑄玉策而紀瑤編勒鴻猷以
不朽頌曰於惟上聖秉化權兮洪澤汪濊溢八埏兮
百祀成秩儀孔虔兮爰稽昔典耕藉田兮帝旣至止
三推元兮群工卿寺禮罔愆兮農夫終畝播殖蕃兮
以供粢盛潔且蠲兮雨風時若大有年兮小臣稽首
載颺言兮顧文康公集

劉榮嗣駕耕耜田恭紀青陽膏土動郊原玉軼乘時
出應門自古有年歌帝力於今祈穀荷君恩西疇椰
帶宮雲煖上苑花迎稼雨繁田峻於時占介應茨梁
早已報曾孫半勸集

陳子壯耕耜禮成作天子親行畝微臣相秩宗清塵
傳暉靜瑞霽出郊濃高柳喧靈鵠華芝結袞龍普天
應有兆九穀在三農南朝遺詩

旗纛廟在大歲殿之東亦永樂中建神曰旗頭大將曰
六纛大神曰五方神曰主宰戰船之神曰金鼓角鏡
砲之神曰弓弩飛飛石之神曰陣前陣後神祇五猖
等眾皆南向旗纛府仲春遣旗手衛官祭于廟霜
降祭于教場歲暮乃于承天門外春夢餘錄

靈佑宮在南城山院止一楹爾

萬曆壬寅始拓為名真武廟

學顏闢地數十畝一為殿五于朝賜額曰護國

靈佑宮碑文大學士福清葉向高所撰湖廣道御史晉

陽潘雲翼書行國錄

仁壽寺顯德廟遺址也萬曆元年伏牛山行者真玉卓
錫于此內宮張朝因宮女陳秋香聞之仁聖太后遂捐
貲屬司禮監馮保建寺始于是年四月明年正月賜額
曰仁壽有李廷機劉效祖二碑析津日記

李廷機仁壽寺碑都城午門外數里許有寺曰仁壽
聖母仁聖懿安康靖皇太后所建而皇上肇錫之名
也寺以萬曆二年庀工營建前為山門天王殿中為

佛殿旁為伽藍祖師殿後為顯德殿為方丈為僧舍而方丈之後復以十三年命尙書監太監周貴造延壽藏左右配殿及僧舍繚以周垣賜地百五十畝莊舍十二間課其歲入為神供命僧明忠主之御用監太監劉彥典領焉且命司禮監太監張誠立石記歲月而詔臣記之李文節公集

黑龍潭歲旱於此禱雨析津日記

晉陽庵出宣武門二里許內有古銅觀世音像高三尺餘下有欵識云大正貞觀年尉遲敬德監造黎秘書民表隸書古佛庵三字極工後後置稽山會館燕都遊覽志

郭正城詩古佛城東寺相傳歲月深不知經幾劫

坐到于今黃離草

崇興寺明天順四年勅建後比丘尼居之行國錄

都城之南舊有寺曰靜寧圯已久矣有僧弘瓊栖其地御用監太監潘瑛為之建寺肇自天順庚辰訖于成化丁亥寺成請于朝賜額崇福寺有二碑一兵部左侍郎兼翰林學士淳安商各撰中書舍人直文淵閣錢唐凌暉書一播陽釋道源撰禮部郎中鄞人章規書寺今圯矣而土人尙目之曰新寺析津日記

按都城自遼金以後至于元靡歲不建佛寺明則大璫無人不建佛寺梵宮之盛倍于建章萬戶千門成化中京城內外勅賜寺觀已至六百三十九所見周尙書洪謨奏疏中王

丁酉

宮保延相詩云西山三

內臣作則城中所建丁

定皇太后營造愈衆

如憫忠靜寧

考證實難

陽之伽藍

而得不亦

正西坊自正陽門外

二十四舖有延壽寺

頭庵

遼聖宗統和六年

丁二年四月以景宗不

年中

孝

以輒更

人之

記洛

一覽

開橋東六牌

寺萬善寺控

遼史游幸表

僧 遼史本紀

十五年四月幸延壽寺

遼史游幸表

興宗重熙十一年十二月幸延壽寺飯僧詔宋使觀擊

鞠同上

燕京蘭若相望大者三十有六然皆律院自南僧至始

立四禪寺曰大覺招提竹林瑞像延壽院主有質坊二

十八所僧職有正副判錄或呼司空

童貫蔡攸帥師入燕號撫定勒碑于延壽寺以紀功將

佐姓名皆列于碑留十日乃回

太上北至燕山寓上延壽寺

道君以丁未五月十八日到燕山於延壽寺駐蹕所取

本朝略輦逍遙子俱在延壽寺安放七月中旬鄭后體

違和淵聖諸后同來延壽寺候問

丁酉

卷十六

三

京師延壽寺凡五六所大約皆爲祝釐而建惟琉璃廠
東北一區明正統六年開梁得斷碑上有延金延壽字
可辨太原僧湛然因爲重建而翰林檢討四明汪奉爲
之記此當是遼金舊址也寺在途金時稱巨刹遼正嘗
臨其地見游幸表金人以栖道君汴京所獲車輦悉置
于寺意今之廠地皆昔寺之基而今之寺特其一隅焉
爾 析津日記

明教寺在正西坊有勅建碑

順天府志

日下舊聞卷十六終

日下舊聞卷十六補遺

城市七 南城

國朝之祀贊皇者太常寺之道士奏樂者神樂觀之道
士皆異端也天神何爲而格哉 留青日札

許穀謂皇穹宇詩分祀崇郊典居肅帝宮高明一

祖配世降八神同紫氣團華蓋元陰接上穹萬年瞻

秉璧靈貺自無窮 石城集

崇文門外打磨厰 忠潔公鉉故居 青箱堂集

正統巳口 打磨厰 西軍人王勝家井中有五色氣 馬氏日鈔

京師神木廠所 大木皆永樂時物其中最巨者曰樟
扁頭圍二丈外 以四六餘騎而過其下高可隱身歲久

風雨淋漓已漸朽矣

春明夢餘錄

安國寺在三

之南一里建于天順元年其碑禮部

尚書胡濙撰

舍人陳柳書

行國錄

慈源寺碑

太常少卿括蒼潘辰撰文中書舍

人張天

慈源

數下 有關王廟相傳卽元崇恩也

中塾

古作妙彬被縛狀始元時舊塑元設贊修贊

舉司

繪畫 不及土木刻削之工故其藝特絕後

人不

也寺僧云彬初爲黃巾 將貌類關壯繆其

母病

食良馬肉彬知壯繆所騎赤兔最良因投麾下

竊赤

以逃關吏察其音不類河東執以歸壯繆彬抗

慨死

喘刑忽大哭壯繆問之則以與母永訣故爾乃

釋之事不見于野史世所傳關公事蹟亦無之荒唐之

辭不知何所本也

寄園寄所寄錄

安化寺正統八年賜額有光祿卿雲間張天

竹記不

國錄

京師三黑龍潭一在城西畫眉山一在房山縣一在南

城黑窰廠皆禱雨之地也黑窰廠潭一方池爾本湖時

中有一井以石甃之

慈山集

袁楠天慶寺佛殿上梁文寶構凌空稱華嚴之富貴

青蓮湧地成祇樹之神通雪堂老禪心匠虛明性宗

眞淨住南城數十載名滿江湖祝北闕億萬年日嚴

香火雖紺宇禪荷之已敝而璇題秘殿之未雄靈山

之法會如新黼展之綸音已下無踵而至不日以成

繡拱結飛霞稱由旬之龍象金波麗鳩鵲儼第一之

人天清容居士集

崇文門東南有淨度寺按元張中丞養浩作其子鴈奴
曠銘有云權厝文明門外淨度寺之南原寺蓋元時有
之矣人海記

國朝於大祀殿祀昊天上帝凡所謂天皇太一之類一
切革去三代以下祀典之正所僅見也博物典彙

清化寺在三河里陽宣德壬子奉聖夫人東安里王妣
秀命其弟義勇後衛百戶榮以賜金買故保安寺基即
蔬圃為寺落成于正統甲子有奉議大夫金陵宋錄撰
碑正德壬申四月堊燬于火癸酉二月重建乙亥五月
訖工有石中允濮陽李廷相碑隄志

明因寺故三聖寺也萬曆初慈聖宣文別肅皇太后改
建賜額殿左一碑萬曆十七年立司經局洗馬汝南王
祖嫡拱右一碑萬曆二十年立部左侍郎汝南何洛
文撰殿後右廡有董尚書其昌所書釋迦如來成道記
自稱香光居士記凡十二版嵌于南北壁各六版天啟
四年刻石帝京景物畧謂在僧寮左壁非也敬懷錄

王暉大都創建天慶寺碑國家鼎定全燕教隆內典
故精藍勝刹莊嚴寶啣金碧相望維永泰寺肇基自
遼彌陀者永泰之別院也大安兵燹廢撤不存鞠為
茂草者五十餘年至元壬申有僧雪堂始來結菴而
主之先是師在雲朔假息間有以天慶名所棲而告
之者初不喻其故既而觀光大都駙馬高唐郡王出

重幣易是院爲師駐錫之所迨甲申冬皇孫紺麻刺
出貨泉二千五百緡泊名驃二仍諭畱守段頑詹事
丞張九思卽所居庀徙歲事起三大士正殿丈室七
巨楹下至門間庖漏賓客之所畧皆完美始於乙酉
之春成于丙戌秋仲初作闕地得廢鐘所刻天慶二
字攷之蓋有遼建號也夢旣協卽爲新寺名額師諱
普仁字仲山姓張氏雪堂其號也爲許昌人 秋澗
集

工部設五六廠一曰神木廠在崇文門外額發軍千名
辦工部曰大木廠在朝陽門外卽獐鹿房廠也辦工軍
數與神木同凡各省采到木植俱于二廠堆放大木廠
則兼收葦蓆一曰黑窰廠一曰琉璃廠燒作甃瓦及內

府器用一曰臺基廠堆放柴薪及蘆葦又有五小廠曰
營繕所木工也曰寶源局金工也曰文思院曰玉恭廠
俱絲工也曰皮作局革工也其外別設三廠曰北窰曰
南窰曰蠟廠主范金合土之事後廢止徵地租銀貯節
慎庫與料價同用 明水軒日記

北京神木廠大木俱刻字爲記其上有王二如張點頭
嫌河窄混江龍之名皮爛存心對面猶不相見 暖姝尚
筆



山下舊聞卷十七

城市八 南城下

宣北坊在新城廣寧門裏宣武門迤東響鬧迤西至城西南角便門西北角七牌四十五舖有海波寺永光寺永興寺圓通寺玉虛觀接待寺竹林寺老君堂報國寺紫金寺昊天寺善果寺歸義寺弘法寺五城坊巷衢

衢集

永光寺元大萬壽寺也曹洞下青辨公居之寺有大萬壽寺開山傳法歷代宗師實跡碑記文字磨泐又明正統十一年一碑本山住持本恩立石昭化寺住持妙清碧潭篆額碑稱辨公居此湛然屏山居士爲其上首外護湛然卽耶律文正王楚材屏山金李翰林純甫也



析津日記

萬壽寺有許道寧畫屏 金臺集

許道寧京兆人畫山水法李成獨造其妙 墨莊漫錄

葛羅祿廼賢萬壽寺懷古詩皇唐開寶構歷劫抵金

時絕妙青松障清涼白玉池長廊秋屨響高閣夜鐘

遲獨行乘閒客扶藜讀舊碑 金臺集

按寺東清殿有巨潭易之詩所云清涼白玉

池者疑卽是也

京師賞花人聯住小城南古遼城之麓其中早益曰梁

氏園園之豈丹芍藥幾十畝每花時雲錦布地冉冉

聞里餘論者疑與古洛中無異 尊墩集

小南城梁家園往時芍藥最盛人多攜酒賞之後其

廢無一本在者 匏翁家藏集

梁園在京城之西南廢城邊引凉水河入其中亭榭花

木極一時之盛 春明夢餘錄

梁氏園在今京師西南五六里其外有舊城舊城者唐

藩鎮遼金別都之城也元遷都稍東於是舊城東半遂

入於朝市間全無跡可見而西半猶存號爲蕭太后城

卽梁氏園所在也蕭太后者遼后皆以蕭爲姓有子爲

帝則太后別居宮城統部屬故其亡也末帝淳之妻猶

得獨存稱太后以主其國踰年乃滅也或謂此雖遼金

都城而非唐藩鎮城不然也唐時此爲范陽藩鎮安史

反後改名盧龍而所治幽州薊縣不改今移薊以名州

移盧龍以名縣各去此數百里其實唐之盧龍與薊在

此也惡得非唐藩鎮舊城乎遼金不因藩鎮以爲都而
曷因乎且稽諸載記遼金亦何嘗創建都城乎今其城
僅存土爾甕皆爲人取去今取者未已其土皆真黃土
人取之和煤炭以燒亦有卽之作墓者以其高堅也
吳齋集

京師仙露寺明一統志寰宇通志俱不載順天新舊志
亦無之近菜市西居民掘地得石匣乃遼世宗天祿三
年所瘞中藏舍利無有也匣如石槨而短小傍刻僧志
愿記其書布施金錢姓名其蓋已失始知此地卽仙露
寺遺址地名千人邑故比丘尼皆曰邑頭尼
折津日記
太上北至燕山寓延壽寺宗室嗣濮王仲理以下別居
仙露僧舍
北狩行錄

嗣濮王仲理以下宗女等千八百口至燕山仙露寺
給米一升半月支鹽一升二聖同聖春起發中京金人
納絹萬疋道君分賜百五十疋與仙露寺宗室作冬衣
燕雲錄

釋志愿葬舍利佛牙石匣記畧達摩禪師遠涉流沙
登雪嶺得釋迦舍利辟支佛牙授與先師先師諱清
珣闍川人自會同五載仲秋賞舍利佛牙到此於八
年季春月莫凋十一葉染病而逝臨遷化時將舍利
佛牙付仙露寺講維摩經比丘尼定徽建宰堵波尋
具表奏聞大遼皇帝降宣頭一道錢三百貫以充資
助於天祿三年歲次己酉四月十三日安葬施主名
具鐫于後
古金貞石志

記後有千人邑三字具列大遼皇帝皇后東明王夫人
永寧大王燕王大王國舅相公宣徽令主李可興洛京
留守侍中劉璠齊國夫人張氏男三司使道紀衙院馬
九故太師侍中趙思溫男延照司徒李稍藥師奴華喜
寺行仙馬知讓邑頭尼定徽幼澄喜婆舍利六百三十
三粒欽送到舍利一百一十粒析津日記

按仙露寺金人俘宋宗室子女置其中見蔡
條北狩行錄趙子砥燕雲錄顧地志失載遺
踪遂不可稽康熙二十六年五月宣武門西
南居民掘地得石匣匣傍有記自稱講經律
論大德志願錄并書乃遼世宗天祿三年瘞
舍利佛牙於此記後有千人邑三字蓋証

也施主姓名首列帝后諸王大臣下及童男
小女考遼史世宗妃甄氏後唐宮人帝從太
宗南征得之寵遇甚厚及即位立爲皇后至
天祿四年方册立皇后蕭氏二后同死察割
之亂並葬于醫巫閭山記刻于三年所云皇
后蓋指甄也東明王者疑是明王安端卽察
割之父以功王東丹國故曰東明王也燕王
大王者中臺省右相牒謁爲南京留守封燕
王故曰燕王大王也國舅相公者靖安蕭太
后族只撒古魯以天祿元年爲國舅帳詳穩
故曰國舅相公也獨趙思溫子延照史作延
昭而通鑑亦作照常爲石晉邢州刺史後仍

歸遼餘子本末不得其詳矣又記有建寧塔
波之文疑當時石匣置于塔下塔久廢而石
匣僅存土中匣已無蓋其舍利佛牙又不知
何時散佚也

金有玉虛觀元有玉虛宮今之玉虛觀未審卽其遺址
否觀有正統中禮部尚書胡濙碑刑部侍郎周瑄篆蓋
中書舍人吳謙書文稱正統丁巳鍊師吳元真來游斯
地其址已爲錦衣千戶呂儀別墅有處士劉泰能言觀
之舊蹟鍊師欲復之呂因捨其地於是總兵石亨捐貲
以建及歲己未夏不雨惠安伯張昇詣觀請師禱雨有
應事聞賜以綵緞至天順二年賜額御史李錦記其事

天順丁丑僧慧菴建接待寺于宣武門右正德丙寅始
訖工刑部尚書閔珪爲作碑記同上

正德三年八月司禮監太監劉瑾傳旨改惜薪司外新
廠爲辦事廠營府舊倉地爲內辦事廠時旣立西廠以
谷大用領之瑾又立內廠以張其威京師謂之內行廠
比東西二廠尤爲酷烈武宗實錄

陳一夔贈趙栗夫詩菜市街西新卜居豆棚瓜蔓共
蕭疎胸中富有書千卷誰笑家無儋石儲七人聯句

詩集

正統五年六月行在翰林院侍講劉球奏天雨連縣宣
武街西河決漫流與街東河會合二水汎溢淹沒民居
請修築以消其患仍會官計議於城外宣武橋西量作

減水河以洩城中諸水十命工部右侍郎邵旻成國公朱勇勘視旻等稱球言實其修築事宜以聞復命欽天監正皇甫仲和審視作減水河利否仲和言宣武門西舊有涼水河其東城河南岸有舊溝皆可疏通以泄水勢上是之實錄

按成化中楊尚書會勘稱三里河源出彰義門外玉匠局等處馬跑等泉則自西而東不知從何處流入劉忠愍所云涼水河及城河南岸舊溝亦不辨所在海波寺久廢其術之南有清廠潭上有龍王堂又南東爲章臺橋之南爲虎房橋橋西南爲潘家河沿計新城未築時無地無水

今其故道皆不可考矣

崇禎丁丑九月車駕闕城總督京營成國公朱純臣及協理陸完學以營兵屯劄宣武門外上臨視大加稱獎於西南城樓召二人各賜以酒三杯杯用金椀便以椀賜之玉堂薈記

崇禎十年京師宣武門外斜街民家白鷄羽毛鮮好喙距純赤重四十觔慈溪應孝廉廷吉見之愀然曰此鷲也所見之處國二緩寇紀畧

遼道宗清寧八年楚國大長公主捨諸私第勑厥精廬奉勅以竹林爲額奉福寺尊勝陀羅尼幢

竹林寺金熙宗駙馬宮也寺僧云一塔無影金臺集國少浮屠氏有趙崇德者爲燕都運未六十致爲僧

自爲大院請燕竹林寺慧日師住持約供衆僧三年費

戊申三月劉彥宗搜索舉人赴無山就試于竹林寺作
試院南北同院異場引試二月十七日引試北人詩賦
一場二十八日引試南人三場至三月二十七日開院
北四百人取六分南六千人取五百七十一人劉彥宗
云第一番進士須寬取誘之燕雲錄

葛邏祿廼賢竹林寺詩城南天尺五祗樹給孤園甲
第三侯去精藍帝釋尊老僧塔影稚子斲松根何
日天台路相從一問源金臺集

增壽寺在宣北坊有勅建碑順天府志

廣慧寺古刹也在宣武門外一里嘉靖中太監劉成朱

仲修之有廣西按察司僉事余一鵬碑記析津日記

長椿寺慈孝皇太后在宣北坊水齋禪師其大弟子爲神廟

替僧賜千佛交各八百件米麥等物動千石

有二庫監以二中官專貯三宮布施金錢謾開續筆

萬曆中歸空和尚自伏牛入京能一再七不食日飲水

數升衆遂號之曰水齋孝定皇太后聞而創寺居焉賜

額曰明祚長椿寺有滲金多寶佛塔高一丈五尺帝京

景物畧

長椿寺水齋傳米萬鍾書春明夢餘錄

廣德寺在宣北坊慈仁寺之左英宗實錄載太監王勤
爲僧德觀請白金千兩修造廣德寺疑卽此也殿階東
有匡山釋宗林碑文稱寺係古刹正德間重修嘉靖六

年太監金允等塑香花菩薩于殿中今鐘鼓樓皆一矣
析津日記

大慈仁寺殿前二松相傳元時舊植臺石一株尤奇寺
後毘盧閣甚高望盧溝橋行騎歷歷可數閣下窺觀音
像高可尺餘寶冠綠帔手捧一梵字輪相好美異僧云
得之窳變非人工也 燕都游覽志

孝肅周太后有弟吉祥兒時好游去家此時太后尚未
入宮也久之祝髮大覺寺好游如故夜即來報國寺伽
藍殿中宿報國寺者京城宣武門外小寺也太后夜忽
夢伽藍來告妃弟在我殿中宿其夜英宗夢亦如之覺
而相怪遣小黃門物色之至則小黃門見吉祥伽藍殿
中遂擁以行入白帝后皆喜具平生后為泣曰吾弟

出家何如皇親寵耶吉祥曰即皇親寵何如出家樂復
還寺后厚賜之英宗晏駕憲宗即位為建大慈仁寺居
之賜莊田云慮數百項也 名山藏

慈仁寺俗呼報國寺蓋先有報國寺在寺之西北隅也
今僧院中尚存遼乾統三年尊勝陀羅尼石幢 析津日

音韻直指玉鑰匙門法一卷大慈仁寺沙門清泉真空
編凡二十門 百川書志

高叔嗣寒食登毘盧閣詩高樓晴出帝城南楊柳千
家夜雨含欲換春衣驚客久况逢寒食思誰堪門前
歸路愁心繞檻外羣峯癖性耽憑報故人應竊笑微
身何事戀朝簪 蘇門集

楊慎夏日登毘盧閣詩赫曦收東陸鮮飈轉南薰炎
歎深城府清冷阻江濱隱几倦文竹紉書厭香芸眷
言承明侶蕭此塵外羣仙梯駕虹出梵閣排霞分攀
楹低白日對檻俯朱雲圓方鵠舉見參差鸞歌聞意
樹鳴天籟禪枝繞烟芬斜景斂平靄飛雨灑高雲金
鼎引清酌玉塵生涼氛興諳吐雲藻搖筆揮風斤香
留荀令榻書染羊欣裙奇賞真四
詠五君

菴集

王崇古夏日登毘盧閣詩佛閣俯層城登臨極望明
雲連雙闕迴樹隱四郊平坐久夜初寂風回暑欲清
何當臥松牖烟月愜初盟
山堂彙稿

陳鳳報國寺松詩偶其菩提樹同生般若林蛟龍各

殊狀霜霰詎能侵空樂風前度天花雨外深

攀賞三宿媿茲心
清華堂稿

俞允文秋日登毘盧閣和韻金園寶樹含朝爽寂

烟蘿象外盤坐上青蓮看欲動興中白雪和應

山暝色依人近一笛秋聲向夕闌別有仙直花

更宜留步月中看
俞仲蔚詩集

歸有光報國寺贈宇上人作慈宮崇象教構此絕巖
炫深巖闕香火危峻瞰郊甸鬱鬱虬松枝低壓繞廣
殿當年帝舅親削髮住茲院說經老龍聽出手五獅
現曾聞長老言天雨曼陀遍吾識宇上人頭陀今突
弁修容寘法相妙悟在論讚導我畫廊行指示西方
變晨起供清茗時共禪悅飭我老欲歸去世事今已

倦當結塵外緣山中儻相見震川集

陳衍上報國寺毘盧閣詩十丈青蓮朵朵開毘盧高

閣獨崔嵬欲看山勢連天遠已見河流帶雨來宮樹

陰濃秋未落塞鴻聲斷晚尤哀烽烟直北何時息處

處關門或角催大江集

程嘉燧除夕踏雪看松作久客懷人百事慵歸德

口是殘冬長安雪後無來往報國門前獨看松松園

浪淘集

槐樓在報國寺左武清侯李公別業置三層門于上層

級升之碧梯亦欄隱見蒼霞碧霧間望之勝于登焉燕

都游覽志

遼大昊天寺碑道宗皇帝書墨池編

撰嚴安理太常寺卿張氏詩一立石于成化丁亥

一立石于弘治十六年碑俱云寺乃南梁漢興元府唐

安寺也文義殊不可解析世日記

歸義寺不知建置歲月元人混一方輿勝覽載之則金

元之舊刹也行國錄

婆娑亭在彰義門內元馬文友別墅也名勝志

文友又築飲山亭春明夢餘錄

宣南坊在新城右安門裏東宣武門大街南五牌二十

七舖有碧霞元君廟新寺憫忠寺五城坊巷衚衕集

永慶寺在教子衚衕無碑記可考析津日記

尉使君寺北魏元象元年幽州刺史尉長命造後改爲

智泉寺則天后時改爲大雲寺開元中改龍興寺在憫

忠寺前隋造塔藏舍利處 春明夢餘錄

尉長命太安狄那人參預齊神武也破爾朱氏于韓陵拜安南將軍以幽州刺史督安平二州雖多聚斂然以恩撫人少得安集 北史

泰定四年正月皇子允丹藏十受佛子智泉寺 元史

舍利塔建于隋仁壽二年正月幽州節制竇抗所造木塔五層扁舍利于其下至唐文宗太和八年塔災宣宗太和丙寅得石函于故基遂移置于憫忠寺多寶塔下僖宗中和壬寅又災延燒憫忠寺樓臺俱燼昭宗景福壬子遷舍利于閣內 春明夢餘錄
燕山京城東壁有大寺一區各憫忠廊下有石刻云唐

太宗征遼東高麗回念忠臣孝子没于王事者所以建此寺而薦福也東西有兩磚塔高可十丈云是安祿山史思明所建 塞北事實

史思明僭位于范陽建元順天國號大燕六月于開元寺造塔改寺名為順天 薊門紀亂

幽州憫忠寺本唐太宗為征遼噶亡將士所造又有開泰寺魏王耶律漢寧造皆遣朝使游觀 王沂公上契丹事

憫忠寺建于唐貞觀十九年太宗憫東征士卒戰亡收其遺骸葬幽州城西十餘里為哀忠墓又於幽州城內建憫忠閣 諺云憫忠高閣去天一揮是也 春明夢餘錄



貞觀十八年七月營州都督張儉率幽營兵及契丹奚以伐高麗十一月張亮爲平壤道行軍大總管李世勣馬周爲遼東道行軍大總管率十六總管兵以伐高麗

新唐書

貞觀十九年夏四月誓師于幽州城南因大饗六軍以遣之七月進軍攻安市城至九月不克乃班師十一月幸幽州大饗還師

舊唐書

蘇靈芝行書寶塔頌今在京師憫忠寺碑稱御史大夫史思明奉爲大唐光天大聖文武孝感皇帝敬无垢淨光寶塔頌春明夢餘錄曰此碑蓋建于思明初歸附之時按舊唐書肅宗紀至德二載十二月賊將僞范陽節度使史思明以其兵衆八萬與僞河東節度使高秀巖

此表送降三載正月上皇御宣政殿冊皇帝尊號曰光天文武大聖孝感皇帝二月大赦天下改至德三載爲乾元元年今此碑建于二載十一月而已稱尊號又以大聖字移在文武之上與史不合後至燕締觀此碑前行大唐光天大聖文武孝感皇帝及中間唐字史思明日字類磨去重刻者石皆凹而首行憫忠寺上原只二字今改范陽郡三字蓋思明復叛之後磨去之及思明誅此地歸唐後人重刻者也此碑書丹于石故以左爲前

石文字記

心陽郡憫忠寺御史大夫史思明奉爲大唐光天大聖文武孝感皇帝敬无垢淨光寶塔頌惟唐紹統分歲作噩天宅幽都分鎮戎索彼命啟與禪虞繼鳳婁

而龍躍馭閭闔而朝南面服日月而昇寶殿在瑤臺
以正乾坤握金鏡今臨宇縣東宅四水西都八川
應景福億萬斯年神祇盼蠶而不祐風化洋溢而
宣疑心姑射既邁黃軒之理端思真境高撫洪崖之
肩迥出三界超居四禪我御史大夫忠而孝慈而賢
禪我唐祚崇斯福田昔在棘城結願已修于寶塔屬
茲版蕩除惡務盡于幽燕開拓郡縣馳突戈鋌咸荷
威力掃逆清邊樹茲幢相游外忘筌割淨貲以檀舍
施珍俸于慈緣爰居爰處載詢載度薙金界于祇園
擇伽藍之勝託徵郢匠稽樸斲具鈎繩備丹雘才生
明而畚鍤攸萃月貞朔而陶旋斯作暨峻砌而崛
堂皇聚楨榦而上干寥廓爾其庀徒有節力工惟

隱金椎以雷動走瓴甌以星馳椽之登登斗拱磊
以扶衛築之閣閣甃甃龕羅而緝熙駢密石以疏
齊玉璫以鎮陞斑閒布白九隅八維風伯雨師扣靈
壇而請命雷公電女擁仙座以忘疲熠如聚鴈赫若
奔螭岌業天假髣髴神資千龕櫛比以攢構萬塔陵
競而護持觀其捫重肩披藻井鴻蒙異狀啞咤靈影
霞駁雲蔚陽舒陰靜游三界而須臾視一劫而俄頃
示大方便開大法境聞偈而刀輪折鋒承風而火穿
收猛疑若蜃樓之孤秀皎類扶桑之映迴蓮花吐日
攢太華之三峯香鑪抱雲蓋廬巖之一頂若乃八部
經行萬方委輅離火宅啟棧喻魚貫爭上鴈行齊赴
躋穹崇陟廻互嗜真如者搏級聚武而跼行慕釋猷

者陷虛悉倅而徐步攀芬捺以失視援井榦以增懼
龍象翁赫扶樽櫺而蓄威鬼神睢眦捫頰壁以含怒
將以經啟萬祀永代作固置呪于梵刹之中釋網于
毗耶之路啟招提之勝果祛樊籠之緇蠹行善者楚
痒而爭趨爲惡者震慄而憂怖逗塔影者洽背而選
悚聞鈴音者叩頂而心注是用敬我天威保我唐祚
彼僮相之微福荷無疆之率裕也客有扣虛幕府忝
掾神州媿三語之默對歸八解之禪流歸然寶塔永
贊鴻猷護鵝珠以守戒持鵠珍以精修刻字金版垂
芳朔幽雲行雨施自公乃侯永錫難老厥德允修恭
察視之嚴命敢不拜敷王休范陽府功曹參軍兼節
度掌書記張不矜撰承奉郎守經畧軍曹曹參軍蘇

靈芝書至德二載十一月十五日建

吉金貞石志

蘇靈芝儒生也嘗爲易州刺史郭明肅書侯臺記在幽
燕之地中州患難得故契丹以墨本詣權場易絹十端
方與一本其行書有二王法而成就頓放當與徐浩雁
行戈脚復類世南體亦善于臨倣者

宣和書譜

按是碑陷文甚多改刻者不特金石文字記
所云十八字而已內如唐紹統三字宅幽都
三字命啟與禪虞及下文繼共六字東宅四
水西都八川八字唐祚二字除惡務盡四字
皆鑿去重刻者考思明之降在至德二載十
二月至明年正月肅宗始加尊號二月乃赦
天下改元碑旣建下二載十一月不應預書

尊號又思明初附肅宗授以歸義王若碑建
于降後宜大書王爵不當祇稱御史大夫然
則是碑之建蓋在思明未降唐之先矣祿山
僭稱范陽爲東都范陽郡二字其初必東都
二字也文中凡唐字其初必燕字也安慶緒
僭襲賜思明姓名爲安榮國史思明三字其
初必安榮國也大唐一行其初必祿山父子
僞號而其餘陷文皆諛僞逆之辭而改刻者
也碑文以左爲前金石文字記謂書丹于石
之故疑從祿山俗尚未可定也當日思明降
而復叛旣誅之後唐人見其碑踣之惟恐不
力安有反勒其名于石者乎此又事之所

無也

采師倫書重藏舍利記今在采師憫忠寺碑建于會
昌六年九月此初復佛寺之文也金石文字記

采師倫書重藏舍利記舍利本大隋仁壽四年甲子
歲幽州刺史陳國公竇抗於智泉寺剝木浮圖五級
安舍利于其下卽子城東門東百餘步大衢之北面
也原寺後魏元象元年戊午歲幽州刺史尉萇命造
遂號尉使君寺後改爲智泉寺至大唐則天時改爲
大雲寺開元中又改爲龍興寺大和甲寅歲八月二
十日夜忽風雨暴至災火延寺浮圖靈廟燬

泊會昌乙丑歲大法淪墜佛寺廢毀時節制司空
河張公崔敕于封管八州內寺留一所僧限十人

明年有制再崇釋教僧添二十置勝果寺度尼三十
八秋八月二十一日因板築于廢寺火燒浮圖下得
石函寶餅舍利六粒及異香玉環銀釵等物伏遇司
空固護釋門殷誠修敬仍送憫忠寺供養俾士庶瞻
禮至九月二十八日藏之多寶塔下會昌六年九月
吉余貞石志

按是碑建自唐會昌六年文稱舍利舊藏智
泉寺寺經始十元魏幽州刺史尉萇命故又
號尉使君寺按北史長命萇作長其曰節制
司空清河張公則仲武也當武宗詔毀佛寺
地分三等幽州等居上許留僧二十人尋又
詔諸道留二十人者減其半故碑云勅于封

管八州內寺一所限十人至是年宣宗
卽位遂弛其先是知水寺已燬遂以舍利
歸憫忠寺焉武在幽州屢破回鶻鄭畋謂
會昌時功第方毀寺之歲五臺僧多奔幽
州仲武封二刀付居庸關曰有游僧入境則
斬之及宣宗增百僧寺碑稱司空固護釋門
殷誠修敬若是丁前後不相伴者蓋仲武功
名之士宜其好志與時移也師倫無善書名
然猶存王知敬薛稷遺意亦能拔乎俗者

景福元年重藏舍利記今在京師憫忠寺金石文字記
景福重藏舍利記昔隋文帝潛龍日有梵僧自印十
至授舍利一餅曰此釋迦遺形洎登寶位至仁壽二

年正月勅天下大州一百處建舍利塔時幽州節制
實抗創造五層大木塔飾以金碧扁舍利于其下至
大唐文宗皇帝大和八年經二百三十三年天火焚
塔爾後五六年間武皇□□釋教至宣宗初登寶位
歲在丙寅勅廢藍將興□□得石函于故基下時
旌麾清河公曉示人天尊□□供施遷藏于憫忠寺多
寶塔下復經三十三載中和二年歲在壬寅又值火
災延憫忠寺樓臺俱燼旋遇□□淘汰空留不祿年
隴西令公大王大庇生靈巨崇象設舍已祿俸觀
音像當景福壬子年僉欲遷舍利于閣內乃陳辭上
瀆請發封壤上許之是年六月徒侶雲萃各竭其

誠塵壺曜靈香盆人手未淹食頃俄逢巨雨縫印香
泥記鐫貞石由是徹其蓋發其緘舍利光芒異香郁
烈詣子東門上獻旌幢中權後營皆澡浴瞻禮觀施
重沓復還本寺黃金瓶如麩麥量內藏一粒仁壽舍
利也二粒在谷□內又二粒在小金合子內又九十
粒如銀粟狀在琉璃瓶內玉環二髮七綜又有二粒
在銀結條琉璃餅內故臨壇大德明鑒平昔隨身供
養臨終授弟子栖忍今同收函內記曰大燕城內地
東南隅有憫忠寺門臨康衢中有閣橫雲業虛閣
有巨象觀音聖軀當像之前緘于舍利外石函封內
金函闕填以異香雜以珍器用記歲年景福壬子葬
舍利僧復嚴□街內殿講論兼應制大德沙門南叙

述僧知常嘗守因鐫

古金貞石志

按是碑建于景福元年所云隴西大王者李匡威也是年李克用王處存合兵攻王鎔匡威救之有詔和解河東及鎮定四鎮碑稱欲遷舍利于閣內陳辭請發封壤上許之蓋匡威方恃燕薊勁兵有雄天下意宜有請無不許者碑文侈陳發緘時舍利光芒異香郁烈外石兩封內金兩闕其崇奉象教至矣迨明年匡威復出帥救鎔其弟匡儔據軍府自稱留後匡威進退無所之鎔迎館于鎮登城西大悲浮圖顧望流涕未幾以圖鎔見殺然則事佛果得福乎舍利之塔一燔于太和八

年一燼于中和二年今匡威所建之閣遺址已不可問其碑僅存焉爾

宋真宗崩仁宗遣使告哀遼主集蕃漢臣舉哀冷燕京憫忠寺置真宗靈御建道場百日

東都事畧

遼重熙十一年十二月以宣獻皇后忌日上與皇太后

素服餽僧于憫忠寺

遼史興宗紀

淵聖至雲中駐蹕燕山憫忠寺

燕雲錄

金大定十三年八月於憫忠寺策試女直進士寺舊有雙塔進士入院之夜半聞東塔上有聲如音樂西達于宮考試官侍御史完顏蒲涅等曰文路始開而有此得賢之祥也

金史選舉志

寺中一碑下半斷裂可讀者其上段字有燕京大憫忠

寺觀音地宮舍利函記金大安十年沙門善製帝京景

按是碑文字悉完未嘗斷裂末云大安十年歲次甲戌閏四月辛未朔二十二日壬辰申時功德主燕京管內左右街都僧錄崇祿大夫檢校太師行鴻臚卿聰辯大師賜紫沙門善製門人義中書

蕭王與沈元用同使北館于燕山憫忠寺暇日同行寺中有唐人碑辭皆偶儷凡二千餘言元用素彊記卽朗誦一再蕭王不視且聽且行若不經意元用歸欲矜其敏取紙追書之不能記者闕之凡闕十四字書畢蕭王視之卽舉筆盡補其所闕無遺者又改元用謬誤四

處置筆他語畧無矜色元用駭服老學菴筆記

胡沙虎遷衛紹王于衛邸召完顏綱囚于憫忠寺金史完顏綱傳

謝枋得字君直信州弋陽人寶祐中舉進士中乙科除撫州司戶叅軍德祐元年以江東提刑江西招諭使知信州信州不守乃變姓名入建寧遂居閩中至元二十三年集賢學士程文海薦宋臣二十二人以枋得爲首辭不赴又明年行省丞相忙兀台將旨召之枋得不赴詔丞相義之不強也又明年福建行省叅政管如德將旨如江南求人材尚書留夢炎以枋得薦終不行福建行省叅政魏天祐見時方以求材爲急欲薦枋得爲功枋得見天祐傲岸不爲禮與之言坐而不對天祐怒強

之而北二十六年四月至京師問謝太后攢所及瀛國
公所在再拜慟哭已而病遷憫忠寺見壁間曹娥碑泣
曰小女子猶爾吾豈不汝若哉不食而死宋史

湯雷奮挽謝疊山詩向老逢危亂提軍復欲東九遷
徒有命一戰不成功楚戶言猶在韓仇事已空風塵
長蒼莽身世轉飄蓬芒屨初就道慷慨不辭難袞袞
長江盡蕭蕭易水寒風霜欺漢節塵土上南冠無復
加餐食傍人掩淚看大節應無憾初心不望還昔非
蹈東海今見餓西山毀譽從茲定哀榮等是閑綱常
元未泯公死實相關懷哉千古事百鍊不爲柔漢祖
猶封齒殷臣不仕周寧隨文相國直匹李潭州浩蕩
江湘接東西萬古愁翰墨全書

胡文友挽謝疊山詩戎馬庚申後朝廷喜懼秋諸公
爭頌莽一士獨傷周揚屋言終棄風塵恨未休興亡
天數在我欲咎人謀償金成往事投老復臨戎奉使
危城裏提兵小邑中報韓如有托興漢豈無功不用
論成敗英雄見自同仗劍辭陵母關山十載餘深懷
應有待天意竟何如張儉終亡命虞卿但著書茫茫
六合內何處著吾廬從容仍慷慨萬世史臣書恨士
心先阻仁賢氣自舒何人分勢地有客護喪車應笑
文丞相騎龍入太虛同上
袁繼成燕都弔謝疊山詩北風塵起征車促南火傷
心不再噓三敗猶還仲母在兩旬忍餓漢臣如歸降
當日原無表却聘留今只有書天使先生沉卜市建

陽橋亦首陽居 六柳堂遺藁

韓雍請謚宋臣謝枋得疏竊見宋禮部侍郎謝枋
登科對策力詆權姦發策漕司極攻時政受任于渾
去祚移之後抗敵于兵疲民散之餘力已盡而不支
志有為而不果後元臣程文海等交章累薦耻仕二
姓懇辭不屈參政魏天祐強逼北行誓死不食終于
燕京著為文章發明道學羽翼聖經無愧昔賢有功
後進竊惟伯夷叔齊死殷周之際至宋而追封諸君
亮顏真卿忠漢唐之朝至元而加號古之君天下
蓋有所見而非為無益之舉也乞勅禮部翰林院
臣議加贈謚錄其子孫庶使天下之人知為人
能死忠死節者雖百世之後亦得顯揚垂休後

士仁人之氣川亂臣賊子之心

十九月以

江西右僉都御史

書胡濙

向文天祥已建祠于順天

之右歲時遣官致

枋得祀典有關宜令原籍所

司歲舉祀事仍行翰

議賜謚於是少保大學士陳

循等議天祥孤忠大節為宋臣首以謚法臨患不忘國

曰忠秉德遵業曰烈請 曰忠烈枋得仗節死義為

祥亞按謚法遵德博聞曰文謹身制度曰節請謚曰

節帝曰獎忠所以勵臣節也有司其加所議行 實錄

憫忠寺經正統七年重修改額崇福有翰林院待

贄碑萬曆三十五年又修有諭德公龔禪 帝京景

史肅登憫忠寺閣詩淨宇懷超想層梯跋夜游喧

三界盡制作六丁愁聚土閑童移山比丘能分

分外見寸木即岑樓中州集

邵口至元九年登憫忠寺閣詩等直下臨無地飛

步凌虛覺有梯遶宋封疆歸一燕形勝控三齊

扶桑東望滄溟小若木西瞻華嶽安得憑風翹

廊板回首謝卑棲秋堂先生樂

葛邏祿迺賢憫忠閣詩高閣秋天迴金仙寶珞齊青

山排闥見紫氣隔城迷朱棋浮雲濕瑠簷落照低因

懷百戰士惆悵立層梯金臺集

又題雙塔詩安史開元日千金構塔基世尊寧妄福

天道自無私寶鐸游絲罥銅輪碧蘚滋停驂指遺跡

含憤立多時同上

張翥登憫忠閣詩百級危梯迺碧空憑闌浩浩納長

風金銀宮闕諸天上錦繡山川一氣中事往前朝僧

白老魂來滄海鬼猶雄只憐春色城南苑寂寞餘花

落舊紅蛻菴集

袁凱登憫忠閣作唐家高閣古城隈遠客登臨宿霧

開諸帝園陵俱寂寞三韓魂魄尚歸來西山雲氣空

中度東海潮音地底迴聞說關河有戎馬故園南望

思悲哉在野集

宣南坊白馬寺隋刹也殿後尊陀羅尼幢上刻仁壽

四年正月上旬造寺重建于洪熙元年正統八年賜額

有翰林學士南昌張元禎工部尚書直文淵閣嘉禾張

文憲二碑其東有僧塔塔前有古碑已為侵占者所毀

矣析津日記

白紙坊在新城廣寧門右安門西南角五牌二十一舖
有小聖安寺大聖安寺寶應寺禮拜寺相國寺崇效寺
五城坊巷衛衛集

聖安寺二金所建燕石集

寺有金世宗章宗二朝像金臺集

按宋顯夫有南城俚歌十首其四云停驂惆
悵聖安寺後堂空祀李宸妃則寺中所留像
不獨二帝矣

聖安寺處前有怪栢數株湛然居士集

元世祖中統二年九月奉遷祖宗神主于聖安寺元史
祭祀志

三年十一月勅聖安寺作佛頂金輪會元史世祖

磐以年老乞骸骨行之日卿百官皆設宴以餞明

日皇太子賜宴聖安寺公卿官出送麗澤門外元史

本傳

聖安寺二金元禧碑無一存者殿前明碑二一慈仁寺沙

門德慶撰通政司參議廣陽趙昂書成化二十年九月

立石一上谷參軍張壽朋撰江西道監察御史徐圖書

萬曆十八年四月立石寺向有金世宗章宗李宸妃像

今皆無之殿前怪栢已盡惟有兩楸樹而已其地名東

湖柳村湖埋柳亦不見蓋此寺圯而復修於正統

十一年易名普濟寺內官營建欲侈已功輒去故碣既

更新額并毀舊碑使考古者無足徵信真可憾也 折津

葛邏祿廼賢聖安寺懷古詩蘭若城幽處聯鑣八月

來寶華幢蓋合袞冕畫圖開斷碣蒼苔暗空庭落葉

堆饑鳥不避客攫食下生臺 金臺集

元至正初以唐貞觀元年所建佛寺舊址建寺賜額崇

效明天順間重修嘉靖辛亥掌丁字庫內官監太監李

朗於寺中央建藏經閣有都人夏子開高明區大相二

碑閣東北有臺臺後有僧塔三環植聚樹千株以地僻

游人罕有至者 折津日記

弘仁萬壽宮萬曆四十三年勅建中爲文昌殿額曰崇

真保運左以祀諸葛孔明封號曰天樞上相右以祀


信國封號曰天樞左相皆目之曰真君祀雷神于後殿

設禮斗臺最後建高閣十三楹曰太極造運寶閣以安

吳天上帝有神宗皇帝御製碑文督工者司設監太監

林潮也內官不學神號無稽知禮者當議輟也行國錄

日下舊聞卷十七終



山下舊聞卷十七補遺

城市八 南城下

劉崧順承門送別詩送客出城秋已涼太行南上楚

天長順承門外斜陽裏蕎麥花開似故鄉槎翁集

三忠祠在上斜街天啟四年春勅建以祀沁水張忠烈

公銓襄陵高忠節公邦佐大同何忠愍公廷樞三公皆

山西人故額曰山右三忠祠張公巡按遼東監察御史

高公八巡遼海道山東布政司叅政何公分守遼海道

山東叅司副使皆死王事張公初贈大理寺卿後加

贈兵部尚書高何二公初贈光祿寺卿後加贈大理卿

左右列陪祀諸公張公傍六人經畧標下統兵鎮守奉

集等處總兵官都督僉事朱公萬良統兵援遼副總兵

官王公誥協守遼東副總兵官錦州叅將事麻公承宗
援遼總兵官都督僉事楊公宗業協守開原副總兵官
麻公嚴援遼正叅將贈總兵官彭公振雲高公座右亦
六人誥贈奉政大夫光祿寺少卿原任陝西鳳翔府扶
風縣知縣王公國訓勅贈光祿寺寺丞原任順天府香
河縣知縣任公光裕統兵援遼游擊將軍滿公龍麟誥
贈奉政大夫光祿寺少卿原任順天府大城縣知縣武
公維周勅贈光祿寺寺丞原任直隸順義縣知縣上官
公蓋遼東鎮守標下叅將中軍事梁公汝何公座
側則有誥贈奉政大夫光祿寺卿前分守開原道山東
按察司僉事潘公宗顏誥光祿寺卿原任直隸永平
府知府張公鳳奇皆與河

八左右列者鎮守遼

東總兵官都督同知馬林統兵援遼游擊將軍李公
鎮忠領兵援遼守備劉興漢領援遼千總劉公起
佩又戚公士榮楊公其誥二神位共二十人蓋高
張何三公為當時勅祀後死諸人其鄉人以皆山西
人死王事故附祀之祠碑記可考列主亦多繁亂寺
當時附祀者必列于兩廡後始遷入堂中故耳楮園雜
記

紫金寺在宣武門外迤西寺西向有嘉靖三十二年
尚寶卿河間李圻碑記謂寺始建於宋云人海記
慈仁寺本為周太后弟吉祥建而寺有成化二年御製
碑止云為太后祝釐不及吉祥蓋當時尚諱言其事唐
應德詩云同行更說前朝事繡蟒銀魚有故僧至歸熙

甫作記始詳言之寺建于故報國寺山門之東南都人至今目為報國寺然實非報國舊址也掛閱錄

唐順之登毘盧閣詩高閣臨飛鳥上丹梯千仞恣

攀登牕邀佛日金人下地逼宸居玉殿層一老擊鐘

時放梵幾人面壁坐傳燈同行更說前朝事繡麟銀

魚有故僧荆川集

吳子孝慈仁寺詩微鐘吐聽昔年曾門掩草髮

僧今日重來心轉寂一函經對佛前燈玉函堂集

俞允文登毘盧閣詩古閣秋氣清千里滅烟霧連山

開雲氣頽城斷行路殘僧守荒齋寒鳥落高樹中多

故人情停杯日空暮俞仲蔚集

人定二十四年二月大長公主降錢三百萬建昊天寺

給田百頃每歲度僧尼十人續文獻通考

中統三年十一月作佛事於昊天寺七晝夜賜銀一萬

五千兩同上

至大二年十一月昊天寺無因而火歸田類藁

天會五年迎旃檀瑞像到燕京建水陸會七晝夜奉安

于憫忠寺同上

元宗嗣位遣使者公乘鎔航海至丹鎔以蠟封帛書

遣王朗齋懺號子歸聞奏散號子知何等語也詞曰

臣鎔自去年六月離罌油七月至東關遣王朗奉表

契丹九月有番官吏離畢部牛百餘乘及鞍馬治

路置頓十東京今年正月方幽州館於愍忠寺

先迎御容入宮言元欲識唐皇帝乃引見如舊儀契

丹主手斟一玉鍾酒先自啜乃以勅臣飲醕自旦至日

輔始罷 陸氏南唐書

京師二月淘溝穢氣觸人南城爛如 衡衡尤甚深廣各

二丈開時不通車馬此地有懣忠 東唐碑稱寺在燕

城東南隅疑為幽州節度使城之 濠也 寄園寄所寄

錄

寶應寺相傳唐刹也今惟存萬曆丁寅年所立一碑行

國錄

京師報國寺古松一株在佛殿前低枝曲餘偃翠各十

餘步望之如青鳳展翅處其下如山間松 六月消夏

尤所宜也 六研齋筆記

遼道宗喜作字秦越大長公主捨棠陰坊第為大吳天

寺帝為書碑及額今在燕京舊城 書史會要

永興寺在宣北坊柳巷之南寺東向南行約五十步折

而東有興仁寺南向其建置歲月無碑記可考矣 行國

錄

孟思雨登毘盧閣詩 蕭蕭連夕雨秋意滿長安碧樹

楸梧老清宵枕簟寒 功名羞短髮鄉思俯危闌紫塞

紛戎馬悲歌行路難 龍川集

南城諸坊白紙坊最大元于此設稅副使北自善果寺

南至萬壽宮西極于天寧寺皆是也自嘉靖築新城以

城墻界之坊劃而為兩矣 輿志

歸義寺在善果寺西遼刹也天王殿前一碑無撰書人

姓氏額題彌陀邑特建起院碑文稱寺肇自清寧七年

買徐員外地遂為歸義寺備書寺基墻垣尋尺以及佛像經藏之數碑陰首書疏主懺悔師守司徒純慧大師賜紫沙門守臻本行僧錄檢校司空精修大師賜紫沙門智清次載邑衆姓名開府儀同三司守太尉兼中書令幽國公劉二立開府儀同三司兼侍中開國公趙徽建雄軍節度使開國公劉需諫議馬子詮尚書張挺中舍李思口秘書省校書郎劉文左班殿直韓允右班殿直王規燕遼國妃劉蕭氏遼國夫人杜鄭氏其餘邑首邑長邑正押司官印官副正副錄知曆錢物名號不一又數十人倚晴閣雜抄

歸義寺剏于遼內有石幢記作駢語末書會同九祀龍集敦牂三月二十一日謹記又記云大遼保寧口年都

亭口侯太原王公為皇妣自會同九年捨資就奉福寺文殊殿前又建恣幢于灑村之墳京東之墓云云建幢女弟子張氏長男攝邠州司馬口次男雷守押衙前都亭驛使口次男攝寰州長史怨口次女成郎婦次女李郎婦次女陳郎婦未嫁女吉年孫口男三牛銀青崇祿大夫檢校工部尚書兼御史大夫上口任國鄭承嗣表弟閣門使崇祿大夫檢校口部尚書兼御史大夫上柱國郭陟次表弟將仕郎前守昌平縣主口馮郭口鐫字者尹奉威也人海記

徽祖上賓洪忠宣皓嘗於燕京口懺忠寺肆筵以奠程史陳季偕劉東崖學士李兩山侍郎登懺忠寺閣詩天京朝萬國十二舜神州宮闕開中禁關河拱上游扶

桑形氣近析木紺光流劍珮十牛銜旌幢五鳳樓玉
泉蟠地湧金塔插天浮北嶽瑤符出南溟瘴霧收人
皆躋壽域我亦步瀛洲智不如犀首癡猶過虎頭國
恩難獨報儒術幸同儔偶此登阿閣悠然望薊丘長
庚欣識李太乙願依劉雪擁飛狐夜風號涿鹿秋黃
花堆徑溼紅葉繞城幽且盡一壺酒掀髯送白鷗觀

光集

邵經邦經涼水河作涼水河邊路依稀似故鄉野亭
穿徑穿溪柳夾川長隔岸聞新曲回車露淺粧乘春
且隨意負負碧霞觴弘藝錄

崇禎中慈仁寺僧坐毘盧閣下聞程間有人語漸譁躡
梯闌之有男女數人長止尺許一老叟出謂僧曰吾輩

本居深山思覩帝里之勝携家而來暫棲于此師母見
迫不久當去師勿露必有以報也居數日僧復聞譁如
前又闕之叟曰吾歸矣師可俟吾于郭外某處僧如其
言候之不見倦臥于道左覺而探懷中得干錢焉昔金
之將南遷也有狐舞于宣華殿元將亾狐從端明殿出
此殆其類乎惟山談錄

燕士張文季讀書不求官治生不務富稍有贏餘即購
求古器書畫仙露寺僧寶藏商鼎有年不惜百金易而
得之秋澗集

王惲商鼎歌維商賢君六七作禮重烝嘗制於鑠只
緣近古俗忠厚象形作器窮精鑿敦彝鐘鼎賜臣工
重比謚贈縻天爵當時文獻不足徵故豕餘俗歸寥

索蒼銅不逐太社亡千古流傳誇灑盪供佛牀頭夜
壑深物歸所好得真託張君稽古負精識入手摩挲
三歎息兩耳高撐足拱三六乳附觚何的歷饜饜繞
腹雜雷紋紫翠英英悵猶濕細觀欵識商父丁崑玉
南金非所惜平生澹癖心不足此日大嚼情暢適形
模遠紹考古圖發揮假手詞人筆君不見當年莘叟
負謁湯高宗彤日雉雒高黃金塗耳玉鉉光此事傳
聞已陳迹一朝悅墮三毫間神明之器今日擊或梟
沉烟讀誥盤或挹殷谿煮巖石尚友直探三代英平
生陽古心方畢同上


又登昊天寺寶嚴塔詩高標直上跨蒼穹物外方知
象教雄九陌市聲開曉色兩都喬木動秋風遙溢漢
馬屯湘濟安得長書附去馮寂歷村墟野烟外誰家
簾幙夕陽紅同上

又游聖寺讀明昌間郝侯志竹溪蔡無可等碑作
滿馬京塵厭市喧捨鞍步入給孤園金鐙響泛松風
冷寶光凝瑞作以法觀交纏雙井閉雨花別是一
乾坤布金不疑包桑計空抱危言吐復吞同上

聖安寺一名柳湖中有佛像三諸天像四以藤爲胎泥
金裝飾瓔珞甲冑俱嵌珊瑚青金諸寶石莊嚴精好寺
僧云崇禎時大內賜出燕舟客語

長椿寺大殿旁小室內藏佛像十餘軸中二軸黃綾裝
祿他轉異展視之一繪九朶青蓮花捧一牌題曰九
蓮菩薩之位明神京母李太后也一繪女像具天人姿

戴毘盧帽衣紅錦袈裟題菩薩號下注崇禎庚辰年恭
繪烈皇生母孝純劉太后也二圖不知何時安奉寺內
今乃委積塵埃中 同上



寬政戊午

